

رواية

أُنَدَّتْ عَيْنِي

شيماء نِعْمَان

موقع البوكر

يقدم

أنتم حبيبي

شيء نعان

مقدمة

أحيانا يحرمننا الله من أشياء غالية علينا؛ ليرزقنا أشياء أجمل بكثير، حتى إذا حرمننا
نعمة البصر، فنور البصيرة نعمة لا يملكها الكثيرون .. فأنتِ يا نور عيني وحياتي
أنتِ أملى ودينيتى القادمة.

أنتِ عيني

الحلقة الاولى (العنيد الشرس)

اشرفت شمسنا وبدا يوم جديد ملئ باشياء واحداث متلاحقة ولكنه عند نور يوم
مختلف ومثير

افاقت نور على نور الشمس الذى تخلل نافذتها ليلقى بضياؤه على وجهها
الجميل البرئ سمعت صوت امها تنادى عليها مثل كل يوم

فنور هى الابنة الصغرى لفكرى مختار مهندس معمارى امضى ربع عمره تقريبا فى
الغربة ولها شقيقان نريمين المتزوجة وتسكن بعيدا عنهم

ونادر الذى كان له نصيب من سفر ابوه فهو الان فى احدى الدول العربية يعمل
مهندس مثل والده تماما

الام: نور يانور يلا يا حبيبتى قومي الساعة 7

نور: صباح الفل ياست الكل بس يعنى هو لازم كل يوم فرقة مكافحة المخدرات
تيجى تصحبنى بنفسها

الام: تصدقى انا غلطانة اسيبك كده هو تروح عليكى نومة ومتروحيش الكلية
بتاعتك {كلية فنون جميلة على فكرة}

نور: كده يابلبله ياجميلة اهون عليكى برضه طب خدى ياستى احلى بوسة على
الصباح

نبیلة الام:ایوہ خدوہم بالصوت یلا یلا بابا مستیکی عشان نفطر مع بعض

نور: حاضرررر انى ذاهبة للقاءه

خرجت نور من غرفتها وجدت والدها يتصفح الجريدة مثل كل صباح

مشت بهدوء حتى لا يشعر بها وفجأة

باااااا

انتفض الاب من مكانه فرعا وامسكها من اذنها :ياشيخة حرام

هتمو تینی من الحسرة

افلتت من يدها بصعوبة وقبلت خده: بعد الشر عليك يا كوكو يا عسل انت

وهمست : ده انا ناوية اجوزك جوازة جديدة بس قوة المكافحة اللي جوه دى

اعمل فیہا ایہ

فکری: عندک عروسة یانونو

نور: اوبالا ياكبير انت تومر بس وهتلاقى موزر تحت البيت بيقولك شيك ليك

فکری:ایدی علی کتفک

نور: طيب هات مفتاح العربية كرشوة يعني لحد ما جيب العروسة

امسك الاب المفتاح واعطاه لنور :اتفضلي ياستي المفتاح

رفعت صوتها:بقى انت عايزنى اجبلك عروسة ياابا ده حتى ماما زى القمر

دس فكرى وجهه فى الجريدة :تصدقى انك ندلة هاتى المفتاح

نور:عيب عليك ياابو نادر ده انت راجل وعمر كلمتك ماتنزل الارض ابدًا

فكرى:ماشى ماشى ياحنفى

نبيلة:هو مين اللى عاوز يتجوز

ضحكوا الاثنين فجأة وقالت نور:ابدًا ياماما اصل بابا ونظرت لوالدها الذى احمر

وجهه:عايزنى اشوف عروسة لنادر

نبيلة:يارب يانور ماتشوفى واحدة زميلتك فى الكلية كده ولا حاجة

نور:هدور بس ليا الحلاوة ماهو انا متعبش ببلاش

فكرى:وهو انتى هتقوليلى يانونو

اكملت نور صباحها كالمعتاد ادت صلاتها وارتدت ملابسها واستئذت والديها

بالخروج

نبيلة:هتتاخرى يانور

نور:مش عارفة ياماما لسه انا هخلص الكلية واروح الدار اشوف الولاد وحشونى

بقالى كام يوم مروحتش هناك

نبيلة:ياحببتي كده كثير عليكى كلية والدار وبترجعى تذاكرى ولا تعمل مشاريعك
دى تكونى خلصتى

قبلتها من خدها:ياست الكل متعرفيش انا ببقى مبسوفة ازاي وانا معاهم

نبيلة:طيب ياحببتي تروحي وترجعى بالسلامة

غادرت نور منزلها ذاهبة الى كليتها مضى يومها عادى لا يختلف عما سبق انتهت
من دراستها واتجهت الى دار نور الحياة للمكفوفين

التي دائما ما تزورها باستمرار لحبها للاطفال المكفوفين الذين فقدوا ابصارهم وهم
فى بداية حياتهم

مدام امانى مديرة الدار:نور حببتي فينك ياقرمر من زمان بقالك اسبوع مش بتيجى
ليه

نور:معلش يامدام امانى الكلية والمذاكرة كله كله هياااا عجزنا قبل اوانا يااوختى

انفجرت امانى بالضحك:ده على اساس بقيتى تيتة ولا حاجة

نور:حرام عليكى ابقى ماما اول وتيتة تيجى على اقل من مهلهما

امانى:ماشى ياستى اسمعيني بقى وبطلنى ضحك عشان عايزكى فى حاجة مهمة

نور:اوعى تكونى جايبالى عريس

امانى:لايانسة مش عريس ده حالة واسمعى بقى عشان ورايا حاجات كتير

نور:كللى اذان صاغية

امانى:بصى ياستى الشخص ده ممكن تقولى عليها كتلة من الشراسة والعند الللى

ممكن تشوفيهم فى شخص

نور:لدرجة دى للدرجة بتكرهينى انا عملت فيكى ايه لو متضايقه من وجودى هنا

امشى امشى والله ومش هارجع تانى

امانى:ياحببتى انتى الوحيدة الللى تقدرى تساعديه

نور:اشمعنى

امانى:عشان سيادتك واخدة كورسات تنمية بشرية وغير تعاملك هنا مع المكفوفين

كل ده يخلينى ارشحك للموضوع ده سيبينى بقى اكمل

نور:احكى ياشهرزاد

امانى:اولا اسمه سيف سيف عبد العزيز الشامى مهندس وكان بيدير شركة والده

العقارية لخدمن سنة بس عمل حادثة وفقد بصره وفى امل انه يرجع يشوف تانى

بس هو رافض تماما انه يعمل العملية مع ان نسبة الشفا تعتبر عالية بس رافض حل

العملية نهائيا

نور: طب ليه هو متجوز ممكن تكون مراته هي السبب

امانى: لا خاطب وخطيبته تقريبا بعدت عنه من يوم الحادثة

نور: اه عشان كده مصدوم فيها

امانى: ها هتعملى ايه

نور: ماشى ياستى هييجى امتى

امانى: لا هو مش هييجى انتى اللى هتروحي

نور: اروح فين مينفعش اروح بيوت حد انتى عارفة

امانى: عارفة بس مش فى بيته فى شغله

نور: شغله ازاي مش هو كفيف يبقى شغل ايه

امانى: هو مصمم انه يكون موجود فى شغله مع كل اللى حصل ده واللى بيساعده

اخوه وواحد صاحبه سيبينه على راحته عشان ميحسش بالنقص

نور: طيب تمام هبلغ البيت عشان ييقوا عارفين ادينى العنوان

اعطها ورقة بالعنوان: هتروحي الشركة دى تسالى عن باشمهندس يحيى مصطفى ده

صاحبه وهو اللى جه الدارها عشان نساعده وخدى بالك انتى تقريبا رقم خمسة

فى اللى طفشهم

نور: اقصدك الوحيدة اللى مش هيقدر يطفشها

امانى: هههههههه اتمنى اما نشوف خدى بالك عصبي جدا وشرس جدا يعنى حطى اعصابك فى تلاجة

نور: فريزر وحياتك القاكى غدا سلام عليكم ورحمة الله

امانى: وعليكم السلام مع السلامة

ركبت نور سيارتها وذهبت للعنوان المدون معها وجدت عقار هائل يبدو عليه الفخامة دلفت داخل البناية سالت عن يحيى مصطفى صعد معها احد رجال الامن على الشركة واوصلها غرفة يحيى

نور: السلام عليكم ورحمة الله وبركاته

يحيى: وعليكم السلام ورحمة الله اى خدمة

نور: انا نور فكرى من دارنور الحياة حضرتك باشمهندس يحيى مضبوط

يحيى: تمام انا يحيى اتفضلنى تشربى ايه

نور: لا شكرا ملوش لزوم عايزة اعرف ايه المطلوب منى

يحيى: طيب ياستى اشربى حاجة وبعدين نتكلم

ضغط زر بجواره لياتى اليه الساعى ليطلب منه ضيافة نور

يحيى:شوفى يانسة نور سيف ده كان مثال للنشاط اللى ممكن تقبله كان يحب
شغله جدا كان الشغل عنده كل حاجة انسان نشيط عاقل طيب وشهم وكل
الصفات الكويسة فيه بس من ساعة الحادثة وهو اتقلب 360 درجة بقى عنيد
شرس عصبى زيادة عن اللزوم عشان كده طلبت حد متخصص يعرف يتعامل معاه

نور:طيب ممكن اشوفه من بعيد من غير ما يعرف بوجودى

يحيى:اه طبعا اتفضللى معايا

ذهبا الى غرفة سيف فوجود السكرتيرة تخرج باكية من غرفة سيف

يحيى:ايه ياياسمين فى ايه

ياسمين:مش هينفع كده يا بشمهندس يحيى كل يوم زعيق وبهدلة اشوف حتة تانية

اشتغل فيها يعنى ولا اعمل ايه

تنهد يحيى:معلش ياياسمين اعذريه

انتهدت لوجود نورفسكتت

يحيى :الانسة نور اللى هتابع حالة سيف

ياسمين:الله يكون فى عونك

نور:الله يطمنك

دخلت نور بصحبة يحيى لغرفة سيف الذى يدير ظهره لهم

يحيى: ايه ياباشا مالك مزعل ياسمين ليه

التف بكرسيه امامهم ":لولا انى عارف انها محتاجة الشغل كنت مشتتها من زمان

وهى واحدة مهمة ومش منظمة فى شغلها

نظر يحيى لنور واكمل:معلش ياسيف بالراحة عليها دى بقالها زمن معانا اصبر

عليها شوية معلش

انصت سيف باذنه ليحيى:يحيى حد معاك

نظر نور ويحيى الى بعضهم واشارت له بالحديث

ايوه ايوه ياسيف فى

سيف:فى مين مين اللى معاك

كاد يحيى ان يكمل قاطعته نوربشارة:انا ياباشمهندس

سيف بعصبية :انتى انتى مين حاول القيام من مكانه اسرعت اليه

اساعدك

سيف:مش عايز مساعدة من حد

نور:ليه بس ده انا شاطرة والله

سيف بعصية شديدة:مين دى يا يحيى

تردد يحيى ثم قال:دى الانسة نورمن من

سيف : "مين انطق

يحيى:من دار نور الحياة

ضحك سيف بعصية:اه وجاية هنا ليه بقى ان شاء الله

نور:جاية ادر دش معاك شوية ممكن

سيف:لا مش ممكن واتفضلى يلا يلا اتفضلى اطلعى بره

نوربعند:لا انا مش خارجة من هنا ايه رايك يا بشمهندس

الحلقة الثانية (الشرس والملاك)

لحظات العند والتحدى بين سيف ونور لم تنتهي عند هذا الحد بل اشتعلت وكانها
حرب بين اثنين لا يملكون اكثر من العند من جهة والشراسة من جهة اخرى
سيف بصوت جهورى اربع نور للحظات :يحيى خلى الانسة دى تطلع بره بدل
ما اطلب بتوع الامن يشيلوها بره

يحيى حائرا ويكسو عليه الخجل تجاه نور بسبب تصرفات سيف
يحيى: سيف اهدى شوية مش كده

سيف: قولتلك خليها تطلع بره

نور: بعد اذنك يا باشمهندس يحيى ممكن تسيينا شوية وياريت وانت خارج تبعتلى
ياسمين عشان تجبلى حاجة من البوفيه انا والباشمهندس وشارت الى سيف
سيف: لابقى انتى انسانة بجحة اوى ايه قلت اطلعى بره مش عايز حد معايا
نور: ليه

سيف: انا حر بمزاجى انتى مزاجى امشى بقى من هنا اتفضللى

نور: مش همشى قبل مانتكلم شوية

سيف: وانا مش عايز اتكلم مع حد ممكن ولالا

نور: لا طبعاً مش ممكن ده انا جاية مخصوص بعد ماسمعت عنك وعن شهرتك فى شغلك واعرف انهم كانوا مسمينك الحوت مش كده برضه

وكانها لمست وترحساس ارجعه قديما الى ماكان عليه شعرت ببعض الهدوء اشارت ليحىي بالخروج كى يتركهم سويا

نور: ممكن بقى اعرف ليه بتعمل كده ليه عازل نفسك عن العالم والناس ليه قام سيف من مجلسه متكئا على عصاه التى لاتفارقه منذ الحادثة وكانها دليله لمن حوله

سيف: وانا بقى ايه اللى يخلينى اقرب من الناس عشان احس منهم بالشفقة والعطف ولا الشماتة

نور: ولاده ولاده تحس بنفسك تعيش حياتك

سيف: ههههه حياتى حياة ايه اللى يعيشها واحد زىي اعمى

شعرت بمدى جرحه من هذه النقطة فكيف كان الشاب الطموح المفعم بالنشاط صار الان وحيدا حزينا فى دنيا سوداء لا يرى غيرها ولا يعرف سواها

نور: ممكن اسالك سوال

سيف بعند: لا

نور: اوکی هو انت مومن برینا

انتفض سيف فلم يتوقع هذا السؤال الغریب: لاله الا الله طبعاً مومن بالله وحد يقدر
يقول غير كده

نور: اممم یقی ایمانك ناقص یاباشمهندس

سيف بعصبية شديدة: انتی ایه هتشککینی فی دینی کمان

نور: لاسمح الله لا طبعاً مقصدهش انا اقصد انك لو مومن بالله حق كنت هتبقى راضی
بقضاء الله ويبقى عندك الثقة فی ربنا لا بعد حد ويبقى عندك رضا کامل باللی انت
فيه عندك مثلاً العبقري طه حسين كان انسان ناجح بحق قدر يسيطر على خوفه
ومیخلهوش یتملك منه وبقی عمید الادب العربی وغيره وغيره

سيف: اه وانتی بقی عایزانی ابقى زی طه حسين

نور: لا یاعم مش للدرجة دی هو انت تطول

استغرب سيف من اسلوبها: یعنی ایه مطولش شایفنی ضعیف ولا ایه

نور: انا مقولتش ضعیف قولت ثقتك بالله ضعیفة تفرق یا هندسة

سيف: انتی بتتکلمی کده ازای ایه هندسة ویاعم انتی هتصحبینی

نور:ليه لا طب ده انا حتى بنت امورة ولذيذة ودمى خفيف وحاجات كثير

سيف:ومغرورة وعنيدة ودماعك نشفة

ضحكت نور:اصلى صعيدية يابوى راسى متل الحجر الصوان

ابتسم سيف ابتسامة بسيطة لاحظتها نور:اللهم صلى على سيدنا محمد

سيف:عليه الصلاة والسلام فى ايه

نور:اصلك ضحكت

سيف:يعنى ايه هو حرام

نور:بصراحة افكرته عندك حرام بس طلع ابن حلال مصفى

سيف:هو مين؟..... نور:ههههه طه حسين

انتهى اللقاء على امل بلقاء ثانى بعد يومان

سيف شعر ولاول مرة من زمن ان هناك من يرغب فى الحديث معه مين يذكره

بنجاحه وذكرياته الجميلة فالكل دائما مشغولون عنه بحياتهم

امانوركانت ولاول مرة تنجذب لشخص من هذه النوعية رجل شرس عنيد متعجرف
بعض الشئ ولكن من داخله ايضا انسان لو ازال احد عنه الغبار سيرى مدى
اختلاف داخله عن خارجه

رجعت نور الى منزلها وكالعادة تشير الجلبة فور وصولها

نور: یا اهل الدار یا قوم این اتم

[illegible]

انتفض والدها من صرختها وقالت نبيلة: يابنتي حرام عليكى هتموتينى ناقصة
عمر حسبى الله ونعم الوكيل

جلست بجوارها نور: ليه كده بس يا بلبل الحق عليا عاملوكم حس بدل نرمين اللى
اتجوزت وسابتنا ونادر اللى مسافر على طول

نبيلة: امتي اشوفك انتي كمان في بيت عدلك

قامت نورسريعا من مكانها وذهبت لوالدها :شوفت يا حاج شوفت مراتك عايزة
تخلص منى اه يانا ما انا لو بنتك مكنتيش عملتى فيا كده حرام عليكى ياببليلة هو انا
اذيت فى حاجة ده انا حتى بلسم حمل وديع زى النسمة بالظبط ولا ايه ياكوكو

فكرى: اه طبعاً بامارة قوات المكافحة اللي دخلت من شوية

نور: طب بدمتك تقدر تعيش من غير قوة المكافحة تتطب عليك كل يوم

فكرى:الصراحة لا مقدرش استغنى عنها ابدًا

نبيلة:ايوه يا اخويا امرعها علينا عشان كده محدش قادر عليها انا اقوم اجهز الغدا

احسن عشان تاكلى

جلست نور مع والدها تروى عليه احداث يومها من البداية للنهاية

فكرى :شخصية غريبة بس ممكن يكون عنده حق

نور:ازاى يابابا اما يعزل نفسه عن العالم وميقاش شايف غير سواد اوادمه وبس

عمره ما هيتعالج

فكرى:متنسش انه زى ما بتقولى كان مهندس معروف ومسمينه الحوت كل ده له

تاثير عليه اما يبقى راجل بهيلامان وجاه ومال وفجاة يبقى قاعد مكانه على كرسى

يخاف يقوم من عليه ليقع لوحده طبيعى جدا تلاقيه بالشراسة دى

نور:ايوه بس لما يكون فى امل انى اعيش حتى لو بنسبة واحد فى المليون ليه

مسعاش لحد ماوصله

فكرى:عشان اللى زى ده واحد فى المليون ولا يفرق معاه عايز مليون فى الميه

بيحسب كل خطوة قبل ما يعديها وبالذات فى حالته دى مش عايز يخسر اكثر من

كده

نور: امم شكلى هتعب معاه بجد

فكرى: لو حاسة انك مش هتقدرى تكملى انسحبى من دلوقتى احسن

نور بتحدى: لا طبعاً ياانا ياهو وبكره نشوف يا استاذ سيف

الحلقة الثالثة (من أنت؟)

مر يومان وكل مايشغل بال نور شخصية سيف راجل غريب بقدر شراسته وعنده
لكن واضح انه انسان طيب حنون لكنه مجروح من داخله فتصرفاته يمكن ان
تكون عكس مشاعره الحقيقة

نورفى الكلية بصحبة ملك وفريدة اصدقاءها الذين لايفترقوا ابدا

فريدة:مالك يانور سرحانة فى ايه اوعى يابت تكونى بتحبى ولا حاجة

نور:ياشيخة اتلهى حب ايه وكلام فارغ خليكى انتى مركزة اوى فى موضوع الحب
والجواز انتى

فريدة:وهو فى احلى من كده ياخراللىابى

نور:طب ايه رايك اجوزك نادر اخويا واخلص منكم انتوا الاتنين

فريدة:اخس عليكى ده انتى حبيبتى احم احم هو نادر راجع امتى

ملك:شوفى البت هتتهبل على الجواز ازاي بس قوليلى يانور مالك بجد

نور: لا ابدًا اصل الشحن بتاعى خلص وعائزة شحن عشان انورلكم

هيكون فى ايه ولا حاجة

ملك: عيني فى عينك كده

نور: لا وعلى ايه تحسدى عنيا وهى حلوة كده

فريدة: "ياسلام على التواضع ماتقولى يا بنتى فى ايه

نور: خلاص خلاص ياعمونا متزقوش هقولكم وانتوا قولولى راىكم

قصت عليهم لقاءها الاول مع سيف من البداية للنهاية

فريدة: وانتى ايه اللى يجبرك تقابلى واحد قليل الذوق كده ده كان ناقص يجيب

بتوع الامن يطردوكى

نور: هههههه هو فعلا كان هيجيب بتوع الامن بس انا مسكتش

ملك: شاطرة عملتى ايه يا فالحة

نور: ابدًا قعدت على الكرسي وطلبت كابتشينو

فريدة: لا والله تصدقى بت جريئة طلبت كابتشينو يلا يلا يا ملك نجيب كابتشينو

احنا كمان

نور: اخص عليكم وانا اللى قلت هتنصحنى

ملك: واحنا هنعملك ايه انتى اصلا بت مجنونة لو قلنا متروحيش هتروحي صح

نور: اه طبعا وانا اسمع كلام عيال زيكم

ملك: تصدقي احنا اللى غلطانين قومي يا فريدة قومي بدل ما امسكها اعضها

نور: يا عيال استنوا بهزر طب تعالوا اوصلكم وانا رايحة

فريدة: انتى هتروحي برضه

نور: ايوه انا دخلت تحدى ومدام بداته ييقى انا اللى انهيه

ملك: على النعمة مجنونة قومي يا مجنونة وصلينا

نور: ماشى على الله يطمر

مر لقاءهم سريعا واوصلتهم وذهبت لشركة سيف وقفت امام الشركة مترددة تدخل

اما ترجع وكان الدخول هو قرارها

دخلت مكتب سيف قابلتها ياسمين بدهشة

معقول رجعتى تانى

نور: كده يا ياسمين فكرت انى وحشتك

ياسمين: ههههه انا خايقة عليكى بس مش اكرت بعد وصلة الردح بتاعت المرة اللي فاتت

نور: اوبaaaa انتى سمعتى

ياسمين: اه طبعا صوته كان جايب اخر الشركة بقى صعب اوى

نور: يعنى مش دى طبيعته

ياسمين: لالا ده كان واحد تانى طيب شهم دمه خفيف بس من يوم الحادثة وهو بقى كده

نور: امم قولتلى طيب احكىلى بقى على كل حاجة

داخل المكتب كان سيف مع خالد يتحدثون فى امور العمل

سيف: فارس ومعتز راجعين امتى

خالد: المفروض النهاردة شوية كده واطلبهم

سيف بتردد "امال فين البنت اللي جت يوم السبت

ابتسم خالد: ومالك بتسال عليها ليه ده انت بهدلتها المرة اللي فاتت ومعتقدش انها هتيجى تانى

سيف: هههههه كنت متأكد انها مش هتيجى تانى

خالد: مش عارف انت بتعمل كده ليه

سيف: عشان انا مش عايز شفقة من حد مش عايز احس اني ضعيف سمعني ياخالد

كاد خالد انا يكمل قاطعه دقات الباب دخلت ياسمين

ياسمين: الانسة نور بره ادخلها

نظر خالد الى سيف الذى وضع على وجهه الدهشة الكبيرة التف الى ياسمين

وقال: خليها تتفضل يا ياسمين

ثوانى ودخلت نور: السلام عليكم ورحمة الله وبركاته

خالد "وعليكم السلام ورحمة الله

اتفضلى يا انسة نور اتفضلى ده حتى سيف لسه بيسال عليكى دلوقتى

نور: الحمد لله كويس انك سالت عليا يا باشمهندس

سيف: لالا خالد بس بيبالغ

نور: بجد راجل ذوق يا استاذ خالد

سيف: اه وانا مش راجل ذوق ولايه

نور: طبعا راجل ذوق بس عنيد ودماغك نشفة

خالد: طيب اسيبكم انا تكملوا كلام ورايا شغل

خرج خالد وتركهم بمفردهم

نور: ازيك يا باشمهندس

سيف: كويس..... نور: طب الحمد لله قولى بقى كان مسمينك الحوت ليه

استعاد سيف ثقته قليلا :عشان كنت واكل السوق مفيش حاجة تعدى من تحت
ايدى ابدا

نور: شكلك جبار يا باشمهندس قولى عشان اتعلم منك

سيف: اه صحيح هو انتى بتشتغلى ولا بتدرسى

نور:ايوه ياسيدى انا اخر سنة فنون جميلة

سيف: طب ليه ليه بتساعدى اللى زى يعنى فاقد البصر

نور: لالا لا حاجات كتير زى مثلا انى بشوف قوة وتحدى عندهم مش موجودة فى
ناس كتير بيقدوروا يشوفوا كويس

سيف: بس ايه الحاجة اللى تخليهم اقوياء زى ما بتقولى كده

نور: حاجة واحدة بس ايمانهم بالله ورضاهم بقضاءه

سيف:واماتكونى مالكة كل حاجة مسيطرة على كل اللى فى شركة زى دى
احساسك ايه لما تبقى كل حاجة وفجأة تبقى ولا حاجة

نور:ولا اى حاجة مدام واثقة فى ربنا لاخاف ولا اتاثرالمفروض اكون قوية محدش
يقدر يهزنى

سكت سيف قليلا: مش عارف اقولك ايه احساس الضعف صعب اوى

اما ابقى راجل الناس تتهزبس لما تسمع اسمى يبقى ايه

نور:تبقى ناس غشاشة بوشين كانوا طمعانين فيك بيضحكوا فى وشك والله اعلم
من وراك بيعملوا ايه اللى زى دول ياباشمهندس ناس مزيفة كل همهم ياخدوا منك
مش يدولك

سيف:على كده اللى اعرفهم هما كمان كده

نور:لاطبعا مقصدهش اكيد فى ناس كتير بتحبك وبتحترمك لشخصك شوف مين
قرب منك ومين بعد عنك بعد ... الحادثة ساعتها هتعرف مين حبيبك ومين اللى
همه المصلحة

مر الوقت سريعا على موعد اخر بعد يومان

بدات تعود الضحكة الى وجه سيف الذى اصبح عابسا منذ الحادثة احس كل من
حوله بتغيره حتى والدته امينة

امينة: حبيب امك بفرح اوى لما اشوفك بتضحك ياسيف

سيف: للدرجة دى ياماما باين عليا

امينة: اه طبعا اللى اكبر فى عينى بس قولى ايه سر التغيير ده لتكون مريهان
خطيبك

لاحظت امه تغير وجهه عند سماع هذا الاسم فهي خطيبته وحبيبته التى ابتعدت عنه
من حادثته

امينة: مالك يا بنى انت كنت كويس ايه اللى جرلك هو انا قلت حاجة تزعل

سيف: لا طبعا ياماما انابس مضايق شوية

امينة: وانا قلت انك ضحكت تانى شكلى حسدتك يا حبيبي

سيف: ههههه على ايه بس يا امى فعلا كنت مبسوط اوى ومعرفش ليه

امينة: طب احكيلى من طاطا لسلام عليكم سمعنى

سيف: حاضر هقولك على كل حاجة

الحلقة الرابعة (هل أحبتك؟)

ايام كثيرة مرت ونور تقترب اكثر واكثر من سيف الذى ينتظر موعدها ليتحدث معها
فهو يشعر انها الوحيدة التى اصبحت ملاذه الوحيد يتحدث معها وكأنه يحادث
نفسه اصبحت سره ينتظر موعدها بفارغ الصبرحتى اصبح من الواضح التغير الذى
طرا عليه فالكل لاحظ ذلك وفى يوم موعدهم كالمعتاد

سيف: ارحمىنى بقى معنتش قادر انتى صعبة

نور: استنى بس هقولك نكتة كمان مرة واحد

قاطعها سيف: حرام عليكى ارحمىنى بتجيبى النكت دى منين

نور: ياسيدى فكها محدش واخذ منها حاجة ياباشمهندس

سيف: على رايك بس ممكن اطلب منك طلب

نور: امرك مطاع سيدى اطلب

سيف: ممكن تبطلى تقولىلى باشمهندس

نور: ايه ده والله مااعرف هو انت بقيت دكتور

سيف: ههههه لاياستى مهندس بس عايزك تقولىلى سيف بس ممكن

نور: مينفعش

سيف: مينفعش ليه انتى لسه زعلانة منى عشان مقابلتنا الاولى

نور: لا لالا طبعا بس مينفعش ارفع التكليف كده مرة واحدة

سيف: امال على مرتين انا قلت كلمة واحدة اسمى سيف من غير اى القاب ممكن

نور: افكر استئذن بابا

سيف: ههههه بابا هو صحيح باباكي بيشتغل ايه

نور: بابا ياسيدى مهندس معمارى كنا عايشين فى الكويت وبعدين رجعنا مصر

واستقرينا هنا بس نادر اخويا بيشتغل هناك

سيف: ملكيش غيره

نور: لا طبعا فى نرمين متجوزة بس ساكنة بعيد عننا شوية

سيف: يعنى انتى اخر العنقود

نور: سكر معقود

سيف: ههههه مغرورة اوى

كانت ضحكاتهم تتعالى بالذات صوت سيف الذى تقريبا كان قد نسى حتى

الابتسامة سمع والده صوت سيف الذى كان حاضرا بالصدفة دخل الى المكتب

فجأة وجدوه مفتوحا وصوت سيف يتعالى بشدة

والده عبد العزيز: السلام عليكم ورحمة الله وبركاته

قامت نور من مكانها احتراماً للرجل الكبير: وعليكم السلام ورحمة الله وبركاته

عبد العزيز: ازيك يا سيف ازيك يا بنتي

نور: الحمد لله يافندم

سيف: فندم ايه يانور ده الحاج عبد العزيز ابويا

نور: اهلا بحضرتك

عبد العزيز: اهلا بيكي يابنتي مش تعرفنا ياسيف

سيف: دى يابابا نور بتيجي ديما تقعد معايا بندردش شوية

تاملها الاب قليلا: مش فاهم

نور: انا من جمعية نور الحياة والجمعية بعنتنى هنا عشان الباشمهندس

عبد العزيز: اه قولى كده بس تصدقنى انتى تستهلى جايزة كبيرة خلите يضحك

من قلبه كده بقالى زمان مسمعتش ضحكته دى

احست نور بقلب الاب المفطور على ابنه الاكبر الذى فقد بصره وهو فى عز

شبابه

نور: على ايه بس يا عمو هو بس يبطل عند وهو هيبقى احسن

سيف: مش عجبك ياست نور

نور:لما تسمع الكلام بس هقول عليك شاطر غير كده لا

ضحكوا جميعا من حديث نور حتى قال عبد العزيز:قوليلي يانور انتي من عيلة مين

نور:انا اسمي نور فكري مختار

عبد العزيز:ايه بتقولي ايه فكري مختار مين

استغربت نور من عبد العزيز:فكري مختار معرفش حضرتك تعرفه ولا ايه

عبد العزيز:اوعى تكوني تقصدي فكري مختار المهندس اللي عايش في الكويت

نور:ايوه حضرتك تعرف بابا

سيف:ايه يا حاج انت تعرفه ولا ايه

ضرب الاب كف على كف وهو يضحك بشدة:سيف انا من مدة قولتلك بدور على

مين

سيف:اه صحيح واحد صحك مسافر بره من زمان وانقطعت اخباره من حوالى

عشر سنين

نور:معقول يكون بابا

عبد العزيز:طبعاً معقول معاكى صورة ليه

نور:ايوه طبعاً

اخرجت صورة من حقيبتها ناولتها له نظر الى الصورة وقال

والله وكبرت يافكرى ادينى يابنتى عنوانكم بسرعة ورقم تيلفونه

سيف:معقول يا حاج يكون هو حاجة غريبة والله

عبد العزيز:شوفت ياسيف..... احكىلى يابنتى عاملين واخباركم ايه وازى اخواتك
نرمين ونادر

قصت عليه كل اخبارهم وكان فى منتهى السعادة فاخيرا وصل لعنوان صديق عمره
تركهم وغادر

سيف:شوفتى طلعا معرفة كمان اهوو

نور:عشان تعرف بس ليا فى كل حنة وسطة ومعرفة

ترددت قليلا ثم قالت:سيف هو انت مش خاطب

سكت قليلا :ايوه..... نور:امال هى فين مشفتهاش خالص معاك

سيف:اصلها مشغولة بتقول مامتها تعبانة بس انا عارف ان ده محصلش

نور:طيب مايمكن تكون فعلا تعبانة المفروض تكلمها وتسال عليها

سيف:بعدين بعدين

قامت نور من مكانها بسرعة امسكت هاتفه :اتفضل ياسيدى اطلبها

ابتسم بتهكم :وانتى شايقة انى هعرف اطلبه

شعرت نور بالالم تجاه فهو لا يستطيع استخدام هاتفه حتى

نور:طب قولى كاتبها ايه

سيف بتردد:حببتي ماهى

شعرت نور بحزن لاتعرف سببه عندما نطق الجملة الاخيرة بحثت عن الرقم ووضعتة

على اذن سيف تلامست الايدى لثوانى احست بقشعريرة تملكث منها ولكنها

تغاضت عنها

سيف ينتظر الرد وليس من مجيب:مش بترد

نور:اطلبها تانى

لم تجيب للمرة الثانية وفجأة انفتح الخط

سيف:الوو ماهى ازيك

ماهى بتافف:اهلا سيف ازيك

سيف:الحمد لله ازيك انتى وحشتينى

تركته نور وابتعدت بعيدا حتى ياخذ راحته فى الحديث معها شعرت بحزن لاتعرف

سببه وكانت تحدث نفسها:وانا مالى يكلمها

ولا لا انا ايه اللي يزعلنى

افكار كثيرة متضاربة نفضت راسها كانها تتطرد هذه الافكار عن راسها

نعود لسيف مرة اخرى

سيف: انتى فين من زمان مسمعتش صوتك ولا بشوفك

ماهى: معلىش بقى ياسيف مامى كانت تعبانة شوية مكنتش فاضية

سيف: الف سلامة عليها مالها

ماهى بتردد: لا ابدا ضغطها كان نازل اوى بس الحمد لله دلوقتى احسن

سيف: طب الحمد لله انا هجى اشوفها باذن الله

ماهى: لا لالا تيجى فين هى بقت احسن

سيف: مالك ياماهى مش عايزانى اجيلكم ولا ايه

ماهى: لا طبعا يا حبيبى تنوريس انا مش عايزة اتعبك

سيف: براحتك ياماهى المهم ان انتى كويسة

ماهى: اه اه بخير معلىش اسيبك دلوقتى باااى

لم يستطيع الرد عليها ولكنه وجد الخط مازال مفتوح نداها

ماهى ماهى الوو

سكت عندما سمعها تحدث اصدقاءها

فتاة: ايه ياماهى بتكلميه تانى ليه مش قولتى خلاص عايزة تخلصى منه

ماهى: وانا اعمل ايه مضطرة استحملة لحد مامشروعه مع بابى يخلص محتاجينه

عشان التمويل ياستى

صديق اخر: وليه ما تشوفى ممول تانى

ماهى: وانا الاقى واحد زيه ميت عليا مينين ده بيتمنالى الرضا بس انا ارضا وكلها

شوية والمشروع يبدأ ونخلص منه

الفتاة: يعنى مش هتتجوزوا

ماهى: انتى مجنونة انا مريهان سليم تتجوز واحد اعمى ده مستحيل

اغلق سيف الهاتف والقاء ارضا بعصبية شديدة

جرت عليه نور: سيف سيف مالك فى ايه

سيف بصراخ شديد: ابعدى عنى ابعدى عنى مش عايز حد انا بكرهكم انا اعمى انا

اعمى

نور: طب اهدى بس ايه اللى حصل مين زعلك كانت قريبة منه لدرجة انه القاها
ارضا بشدة

تالمت نور بشدة ودخلت ياسمين الى المكتب على صوت سيف رات نور الملقاة
على الارض ساعدتها على الوقوف وهمست لها :هو فى ايه

نور: سيف اهدى بس كده بالراحة خلاص متتكلمش اهدى

كانت سيف كالتائر المجروح يتحرك بعصبية شديدة يلقي كل شئ امامه وهو
يصرخ: اطلعوا بره مش عايز حد اطلعوا بره انا بكرهكم انا اعمى انا اعمى سيونى
فى حالى سيونى

فى نفس اللحظة دخل خالد وفارس شقيق سيف ومعتز صديقه

خالد: فى ايه سيف مالك فى ايه

سيف: مش عايز حد اطلعوا بره بره بره

فارس: اهدا بس فى ايه ومين الانسة

خالد: وده وقته اهدا ياسيف اهدا

سيف: قلت بره اطلعوا بره مش عايز حد مش عايز حد

اقتربت منه نور بحظر وهدوء وقالت بصوت منخفض: سيف اهدى مفيش حاجة
تزعلك كده

ربت على يده امسكها من يده بعصية :انتى السبب انتى السبب

اندهشت من ردة فعله وهى لاتفهم ماذا حدث

نور: طيب انا عملت ايه يزعلك كده

سيف: ابعدى عنى مش عايز حاجة منك مش عايز حاجة

احست بالم لم تشعر به من قبل وهى تشعر انها السبب فى حزنه وغضبه ولكنها
لاتعرف السبب

كان يدور فى المكتب بعصية شديدة وفجأة ضحك بهيستريا شديدة

حتى اغمى عليه

انطلقت اليه نور قبل اى احد من الموجودين وصرخت فيهم :دكتور حد يجيب
دكتور

كانت تمسك يده تحاول انعاشه ولكنها فشلت امسكت بالماء تحاول مرة وبالعطر
مرة ولكنه لم يستجيب ابدا فرت منها دمعة بالرغم منها

منعتها كثيرا ولكنها ابت سجن عينيها وخرجت لتعلن حزن نور وخوفها على سيف

بعد فترة حضر الطبيب واجرى كشفه على سيف: ضغطه واطى جدا لازم يتنقل
مستشفى حالا انا هطلب المستشفى يبعثولى عربية اسعاف فورا

التفوا جميعهم حوله ونور بقت بعيدة تحاول منع دموعها حتى لايشعر بها احد بعد
فترة حضرت سيارة الاسعاف خرج كل من بالشركة منزعين من صوت سيارة
الاسعاف ووجدوها تحمل سيف ونور وخالد وفارس ومعتز خلفه

خالد: نور تعالى معايا العربية

نور: لا انا هركب معاه العربية

خالد: طيب ماشى

انطلقت سيارة الاسعاف الى المشفى نور تمسك يده وتبكي وخالد وفارس ومعتز
فى السيارة الاخرى

وصلوا المشفى وبسرعة اجتمع الاطباء حوله لاجراء الفحوصات الطبية بعد فترة
خرج اليهم الطبيب

الحمد لله يا جماعة ربنا ستر كان ممكن يصاب لا قدر الله بذبحه صدرية بس الحمد
لله ربنا ستر

الجميع: الحمد لله

الطبيب: يظهر ان فى حاجة حصلت زعلته اوى للدرجة دى حاولوا تريحه وتبعدوا عنه اى حاجة ممكن تضايقه

خالد: حاضر يادكتور بس هو هيخرج امتى

الطبيب: بكره ان شاء الله نكون اطمنا عليه

خالد: ان شاء الله متشكرين اوى يادكتور

كانت نور صامته الى ان تحدث معتر : انا عايز اعرف انتى مين وعملتى فى ايه
يوصلوا للحالة دى

خالد: ايه يامعتر فى ايه هى هتعمله ايه

معتر: انا عارف اسالها انت مسمعتش قال ايه اكيد عملته حاجة وصلته لكده

كانت نور تنظر اليه صامته لم تتحدث بشئ

فارس: مش وقته عايز اطمن على اخويا وبس

خالد: اهدى يا فارس خير باذن الله

مرت فترة حتى سمحوا لهم بالدخول دخلوا جميعا الا نور وقفت تنظر اليه خلف
الزجاج وعيناها تبكيان بهدوء خوفا من ان يشعر بها احد ظلت مكانها لم تتحرك
حتى رن هاتفها

نور:ايوه يابابا لا انا فى مشوار وجاية على طول

لامش هتاخر نص ساعة واكون عندك مع السلامة

خرج خالد من الغرفة:نور مش هتدخلى تتطمنى عليه

نور:معلش ياباشمهندس انا اطمنت عليه اهو خليه مستريح

خالد:انا عايز اعرف ايه اللى يوصله لكده

نور:ابدا والله كان بيكلم خطيبته فى الموبيل وفجاة قعد يزق ويكسر اللى اودامه

وانت جيت وشوفت الباقي

فكر خالد قليلا ثم قال:طب ايه اللى سمعه يخليه يعمل كده

نور:مش عارفة والله انا سيبتته يتكلم براحتة وبعدت فجاة لقيته بيعمل كده

خالد:معلش يانور انا اسف بالنيابة عنه انا عارف انه عمل كثير

نور:لا ابدا بس حاول تعرف منه ايه اللى عمل فيه كده او كلم خطيبته افهم منها

خالد:وهى بتسال فى حاجة اما اكلمها دى من يوم الحادثة بتعته قطعت علاقتها

بيه تقريبا

نور:يبقى اكيد قالتة حاجة عصبته بالطريقة دى

خالد:هى اصلا من يوم الحادثة وبعدت عنه زى ماتكون ماصدقت

نور:ربنا يهدى نظرت الى ساعتها وقالت:معلش انا اسفة مضطرة امشى عشان
اتاخرت

خالد:طب اوصلك

نور:لا معلش العريبة عند الشركة هاخذ تاكسى واروح اخدها خلى بالك انت منه

خالد"متخافيش سيف ده اعز عليا من اخويا والله

تركته وذهبت ودموعها لا تفارقها وهى لاتفهم ماذا حدث لها لماذا تبكى عليه
لماذا تخاف عليه ما السبب امن الممكن ان يكون الحب لايمكن اهو احساس
بالشفقة لالا انه الحب نعم احبته احبته بدون سابق انذار

الحلقة الخامسة (لقاء أم فراق؟)

مرحوالى اسبوع بعد خروج سيف من المستشفى ونور منقطعة عن زيارته وطوال
الاسبوع لم يذهب الى مكتبه ابدا رافض الاختلاط باحد لايريد ان يرى احد جرحه
كان عظيم فكيف لها ان تجرحه اين الحب اين ذهب اين كلمات العشق التى
اغرقت بها اذانه وقلبه حتى تعلق بها واصبحت كل شئ له

ذهب اليه خالد كالمعتاد يزوره فى منزله الذى هو عبارة عن قصر كبير فخم بكل
معنى الكلمة قابل امينة عند دخوله من باب القصر

خالد:صباح الفل ياست الكل وحشاني يا قمر

امينة:صباح الخير يا حبيبي ازيك يا دودو

خالد:للا دودو انتى عايزة حد من الشركة يسمعك هيبتى تتهتز اودامهم ولا ايه
قوليلى فين الباشا

تنهدت امينة بحزن:هيكون فين يا خالد قاعد فى اوضته وقافل على نفسه حتى
الاكل مفيش مش عارفة ايه اللى جراه مش عارفة

خالد:معلش ياماما ازمة وهتعدى باذن الله

دخل خالد الى غرفة سيف الذى لم ينتبه لدخوله حتى

خالد:ايه يا باشا صباح الخيرات

انتبه سيف لوجود خالد:صباح الخير

خالد:ايه ياعم الصباح ده ماتفكها كده ياعم سيف

ابتسم بتهكم:انت بتفكرنى بنور بس هى ليها طعم تانى

خالد:هالله هالله ايه ياعم الحبيب هى السنارة غمزت ولا ايه

سيف:تقصد ايه

خالد"ايه الحب اشتعل من جديد ولا ايه

سيف: حب حب ايه ياخالد الحب ده وهم كابوس عشت فيه وماخدتش غير
عذاب وجرح من اول واحدة قلبى يحبها عايزنى افكر فى حب وبالسريعة دى
سيف: انا ياما حذرتك منها وقولتلك انها غيرك مختلفة عنك فى كل حاجة
مسمعتش منى ياسيف

سيف: كلام معدتش له لازمة بس انا لازم اديها درس هى وابوها يطلع من دماغهم
خالد: ايوه كده الحوت رجع تانى يا بشر قولى هتعمل ايه

سيف: هقولك بس مش دلوقتى بس هى نور ممكن متجيش تانى

خالد: بصراحة مش عارف انت ناسى انت عملت فيها ايه

سيف: انا انا عملت ايه انا مش فاكّر حاجة

خالد: معقول تنسى ده انت بهدلتها وزقتها وقعتها على الارض جبار انت ياسيف

سيف: انا معقول عملت فيها كده

خالد: انا هكذب عليك اسال ياسمين السكرتيرة هى اللى شافتك

سيف: وتفتكر ممكن ترجعلى تانى قصدى يعنى ممكن تيجى

خالد: والله مش عارف هحاول اوصل لموبيلها واسالها

سمعوا صوت دقات على باب الغرفة

سيف: ادخل

دخل الى الغرفة عبد العزيز والد سيف: ازيكم يا شباب عاملين ايه

خالد: بخير يا حاج ازي صحتك

نظر الاب الى سيف وقال بحزن: الحمد لله يا خالد طمنى الشغل تمام

خالد: متخفش يا حاج كله تحت السيطرة معلى استئذن انا بقى

عبد العزيز: على فين

خالد: معلى يا حاج ورايا شغل كثير انا جيت بس اطمئن على الباشا

عبد العزيز: طيب يا بنى ربنا يعينك

خالد: عن اذنكم

عبد العزيز وسيف: مع السلامة

اتجه عبد العزيز بنظره الى سيف: ازيك يا حبيبى اخبارك ايه

سيف: الحمد لله يا حاج

عبد العزيز: ايه يا بنى هتفضل حابس نفسك كده من غير سبب

سيف: انا كده كويس يا بابا كده اعرف ارتب افكارى واحدد مصيرى الايام اللى جاية

عبد العزيز: يا بني انا خايف عليك من الوحدة متعرفش انا كنت فرحان اد ايه لما
لقيتك بتضحك ووشك رجع ينور من تانى يوم ماشفتك مع نور متخليش حاجة
تكسرك ياسيف

سيف: نور وهى فين نور انا طردتها يا بابا اذيتها وبهدلتها مش

هترضى ترجع تانى

سكت الاب قليلا: معلىش يا بني كل حاجة هتصلح باذن الله متقلقش

مكان اخر وبالتحديد داخل كلية فنون جميلة تجلس نور وحيدة صامته على غير
عادتها ات اليها فريدة: بخ مال الجميل

نور: ابدأ مفيش حاجة

فريدة: معقول اكيد فى حاجة شغلاكى سيف صح

نور بتردد: مش عارفة مش عارفة ايه اللى حصل فجاة كده يصرخ ويكسر كل حاجة
ويغمى عليه وانا مش فاهمة حاجة لحد دلوقتى

فريدة: "طيب مكلمتيش حد من عنده ليه تفهمى منه ايه اللى حصل

نور: انا بكلم ياسمين السكرتيرة على بطنى عليه بس متعرفش سبب للى حصل

فريدة بخبث: وانتى بتسالى عليه ليه بقى

ارتبكت نور: عادى يعنى يافريدة هيكون ليه

فريدة: نور انتى بتحبيه

لم تسطع الرد اعادت فريدة السؤال: نور انتى بتحبيه بجد

تنهدت نور: ايوه ايوه يافريدة بحبه

فريدة: معقول وهو كده اقصد يعنى

نور: انا عارفة قصدك بس صدقيني الحب ده ملوش حواجز ولا مواصفات خاصة

يقف عندها انا مش عارفة حبيته امتى ولا ازاى بس كل اللي اعرفه انى بحبه

الساعة الان الثامنة مساءا دق جرس منزل نور يعلن عن وصول ضيف غير متوقع

فتحت نور الباب لتفاجا بعبد العزيز والد سيف

عبد العزيز: ازيك يانور

نور بدهشة: الحمد لله ياعمو اهلا وسهلا اتفضل

عبد العزيز: بابا موجود

اتاهم صوت فكرى من خلفهم: ولو مكنش موجود يتوجد يازيزو

ليست المرة الاولى التى يتقابل فيها الصديقين وانما المرة الثانية لهم

فكرى: ادخل ياراجل ادخل

عبد العزيز: ازيك يانور عاملة ايه يابنتى هو لومكنش سيف متساليش

نور: لاابدا والله بس المذاكرة والامتحانات قربت خلاص

فكرى: روحى يانور هاتى حاجة لعمك زيزو

عبد العزيز: ياراجل عيب عليك ايه زيزو دى احنا كبرنا خلاص

فكرى: اتكلم عن نفسك ياعم انا لسه فى عز شبابى

دارت بينهم احاديث كثيرة فى احداث كثيرة الى انا طلب منه محادثة نور على
انفراد

جاءت اليه نور وتحدثوا قليلا

عبد العزيز: نور سيف محتاجلك متعرفيش بيتعذب ازاي

نور: صدقنى انا معملتش حاجة تستاهل انه يعمل ده كله

عبد العزيز: عملتى بس من غير ماتصدقنى

نور: مش فاهمة ازاي

قص عليها كل شئ بداية من مكالمة مريهان حتى حالته الان واتفقوا على ان تعود

اليه من جديد ولكن فى منزلهم بعد موافقة والدها بالطبع

صباح يوم جديد مشرق ملئ باحداث مثيرة اتجهت نور الى قصر سيف كانت
متردة خائفة من رد فعله مرة اخرى كانهم يتقابلون للمرة الاولى استجمعت
شجاعتها وتقدمت نحو القصر قابلتها امينة والددة سيف فهى المرة الاولى التى
تقابلها فيها

امينة:ايوه يابنتى قالولى عايزة سيف

نور:ايوه يافندم انا نور فكرى مختار من جمعية نور الحياة وكنت بتابع الباشمهندس
قبل كده بس فى مكتبه فى الشركة

فرحت امينة بشدة وجذبتها الى احضانها:اهلا اهلا يا حبيبتي سيف ياما حكاالى
عنك كثير اتفضللى اتفضللى يا حبيبتي

بدات تشعر بالطمأنينة جاءت فى نفس اللحظة سيرين الشقيقة الصغرى لسيف
متساءلة :مين ياماما مش تعرفينى

امينة:دى نور اللى سيف حكالنا عنها انتى مش فاكرة

سيرين:ايوه ايوه ازيك يانور انا سيرين

نور:اهلا بيكى ياسيرين

امينة :يلا ياسوسو خدى نور عند سيف تلاقيه فى اوضته

سيرين: لا ياماما سيف فى الجنينة تعالى معايا يانور

قاطعهم صوت فارس :ازيكم ياحلوين

التفوا اليه فوجدوه قادما بصبحة جومانا خطيبته القت عليهم السلام بطريقة مستفزة

للجميع:هاى طنط هاى سيرين عاملين ايه

امينة بنفاذ صبر:اهلا ياجومانا اتفضلى

نظرت الى نور الواقفة مع سيرين باستغراب تتاملها من راسها الى قدميها

فارس:ازيك يانسة نور معلش معرفتش اسلم عليكى فى المكتب انشغلنا مع سيف

نور بابتسامة رقيقة:لا عادى ولا يهمك

جومانا:مش تعرفنا يا فارس

فارس:دى الانسة نور من جمعية نور الحياة بتيجى لسيف تتكلم معاه وتحاول تقنعه

يعمل العملية

جومانا باستهزاء :واقنعتيه

نور:قولى يارب

امسكتها سيرين من يدها:يلا يانور تعالى

جومانا:ايه ياسوسو مش تسلمى عليا ولا ايه

سيرين: اسمى سيرين مش سوسو على فكرة ثم ماما سلمت بالنيابة عنى يلا بااااى

جومانا بغضب: شوفت اختك يا فارس

فارس: معلىش يا جومانا عيلة متقصدهش حاجة

جومانا: لا والله يمكن برضه

قاطعهم صوت امينة: مش كفاية كده اتفضلوا ادخلوا جوه

دخلت نور بصحبة سيرين الى الحديقة الجميلة التى تراها تنسى هموم العالم
باكملة من جمالها الخلاب

ارادت سيرين ان تذهب الى سيف لتخبره بوجود نورواقفتها نور تريد ان تعرف رد
فعله وحده اقتربت منه وجدته شاردا فى عالم اخر اقتربت منه وقالت: يعنى انت
تزعلنى وتقعده لوحداك فى المكان الحلو ده

انتفض سيف من مكانه: مين مين نور انتى نور

نور: معقول معرفتش صوتى لا انا بجد هزعل منك

حاول القيام من مكانه امسكت بيده ليجلس رفض: لا يا نور سيبينى واقف مش عايز
احس بعجز رجليا كمان

نور: ايه ده ايه التشاؤم ده كده هزعل منك بجد

سيف: نور حقك عليا متزعليش منى غصب عنى والله

نور: انا عارفة انه غصب عنك عشان كده جيت

انضمت اليهم سيرين كانوا جالسين على ارض الحديقة يضحكون كالأطفال
لا يععكر صفوهم شئ ولكن كانت هناك عيون تراقبهم لا يعلموا بوجودها بعد فترة
وهما يجلسون مندمجين اتاهم صوت من خلفهم

سيف حبيبي

التف سيف الى مصدر الصوت: مريهان؟

اقتربت منهم والقت نظرة على نور اشعرتها بالحر

مريهان: سيف حبيبي كده يابيبى تتعب ومعرفش لا انا زعلانة منك موت

سيرين: لو كنتى بتسالى كنتى هتعرفى يا مريهان

مريهان: ايه ده سوسو مخدتش بالى سورى

سيرين: والله على اساس انى هوا مش كده

نور: طيب عن اذنكم

سيف: رايحة فين يا نور

نور: معلىش همشى وهبقى اجى وقت تانى

سيرين: لا يانور تعالى معايا ماما عاوزاكي

مريهان: مش تعرفونا بالانسة

سيرين: دى نور باباها صاحب بابا وشكلنا كده بقينا اصحاب ولا ايه يانور

نور: طبعا يا حبيبتي هو انا اطول

مريهان باستفزاز: صحيح الناس مستويات

احمر وجه نور من حديث مريهان وشعرت بغضب يجتاح كيائها

سيف: فعلا حتى ياما ناس مستواهم على وهما ولا حاجة ونور بقى احسن وانصف

من ناس كثير مسخ على الفاضى

ارتبكت مريهان من كلام سيف واحست بشئ غريب فى حديثه

اما نور شعرت بفرحة من حديث سيف ولكنها خافت ان يكون بدافع الانتقام من

مريهان

قطعت سيرين تفكيرهم: الاقوليلي يا مريهان ايه اللي جابك يعنى بقالك كثير مش

بتيجى ولا فى جاسوس كلمك عشان تيجى ونظرت الى نافذة تقف فيها جومانا

سيف: نور هاتى ايدك

ارتبكت نور وغضبت مريهان اقتربت نور: فى حاجة ياسيف

سیف: ایوه شدینی ولا شکلك خفيفة مش هتقدری

نور: لا اقدر ونص تجرب

امسكت يده استند عليها وقام سريعا

سيرين: يلا يانور ماما عاوزاکی

مريهان: ايه هتغدوها ولا ايه

كانت تعدت حدودها بالفعل ولكن نور تماكنت اعصابها عندما تكلم سيف: مريهان
الزمت حدودك نور زيها زبي واللى هيتعدا حدوده معاها يبقى تعدى حدوده معاها
فاهمة

نور: عن اذنكم

اشاح سيف بيده كانه يريد الامساك بشئ اقتربت مريهان : حبيبي عايز حاجة

سيف: عايز نور

اقتربت نور: ايوه ياسيف

امسك بيدها: ماما عاوزاکی نفسها تتعرف عليكی روحيلها بس متتاخرش عليا

نظرت نور الى يده التي لمست يدها وكأنها تائهة في عالم اخر قالت بصوت اقرب

للهمس: حاضر مش هتاخر

ذهبت مع سيرين الى امينة وتركت سيف مع مريهان

مريهان: ممكن اعرف مين دى وجاية هنا ليه

سيف: قلت نور

مريهان: سيف مالك فى ايه متغير ليه معايا مالك يا حبيبى

سيف: ابدأ اصلى عرفت كل واحد على حقيقته

الحلقة السادسة (لا تجعلنى لعبتك!)

احاديث كثيرة دارت بين امينة ونور وسيرين نظرت نورالى ساعتها وجدتها الثالثة عصرا:معلش ياطنط استئذن انا وباذن الله هجى ازور حضرتك مرة تانية

امينة:ايه والله مايحصل لازم تتغدى معنا انتى قاعدة فى بيت غريب

نور:لاابدا والله حضرتك زى ماما بالظبط والله فى كل حاجة وسيرين بجد حبتها زى نرمين اختى

سيرين:يبقى خلاص تتغدى معنا

نور:مش هقدر والله عشان بابا وماما مش بتغدوا من غيرى

فى نفس اللحظة يدخل عبد العزيز الى غرفة الصالون

امينة:تعالى يا حاج شوف نور عايزة تسبنا وتمشى من غير ماتتغدى معنا يرضيك

عبد العزيز:ايه يانور ينفع كده ترعلى الحاجة والله ماينفع انا هكلم فكرى دلوقتى واقوله انك هتتغدى معنا

نور:لالا ياعمو ملوش لزوم انا لازم اروح

كانت تخاف المواجهة مع مريهان وكانت تعلم انها ستحاول استفزازها باى طريقة
حاولت التخلص من الغذاء باى طريقة ولكنها فشلت استئذن لها عبد العزيز من
والدها ان تتناول معهم وجبة الغذاء

اجتمعت العائلة على مائدة الطعام ولم تكن حضرت سيرين ونور

فارس: فين سيرين ياماما

امينة: جاية اهي ياحبيبي بتجيب نور

سيف: نور هتتغدى معانا

عبد العزيز: ايوه يا سيدى وقفت اخيرا دماغها نشفة اوى زى ابوها

سيف: ههههه ايه يا حاج هو كان تعبك كده

عبد العزيز: اوى اوى عمره

مريهان: بس ياعمو بصراحة مش من مستواك

ردت امينة: مستويات ايه يامريهان عمر الكلام ده ماكان بينا اللى بين الناس مودة

ورحمة ياحبيبتى مش مستويات

لوت مريهان وجومانا شفتيهم اعتراضا على كلام امينة

دخلت سيرين بصحبة نورجلستا بجوار بعضهم فى مقابل سيف ومريهان

بدات مريهان نظرات لنور متفحصة وارادت اثارها بدات تتمايل على سيف غير
مبالية بوجود والديه اللذان لم يعجبهم الوضع

مريهان:وانتى بقى مش بتشتغلى يانور

نور:انا كنت بشتغل فى شركة دكتور محمد مرتضى بس سبتها

فارس:محمد مرتضى اللى هو محمد مرتضى بتاع شركة الديكور

نور:ايوه هو اصلا عندى فى الكلية وكنت بتدرب هناك

فارس:ومعقول حد يسيب شركة زى دى مستحيل ده راجل عبقرى فى شغله

مريهان:اكيد هو اللى مشاكى

بدات الحرب الباردة ولا بد لكل طرف الخروج فائزا فمن الفائز

نور:بالعكس هو لحد دلوقتى عايزانى ارجع اشتغل معاه بس انا اللى رافضة

جومانا:هههههه ليه بقى ان شاء الله معقول يبقى عايزك تشتغلى عنده وانتى ترفضى

مش غريبة شوية

نور:ولا غريبة ولا حاجة ثم اسمها بشتغل معاه مش عنده

وانا اللى سبت الشغل بمزاجى ولو حببيت ارجع هرجع

سيف:طيب ليه يانورانا عارفة دماغك النشفة مش عايزة حد يسيطر عليكى

نظرات متبادلة بين مريهان وجومانا الى نور

مريهان: وانت يا حبيبي عرفت دماغها بالسرعة دي

سيف: نور معايا من زمان طبعي اعرف دماغها ولا ايه يا نور

نور: ديما ظلمني ياسيف كده ونظرت نظرة تحدى لمريهان

جومانا: امال سبتي الشغل ليه

فارس: انا عرفت ليه

سيف: ليه يا ابو العريف

فارس: اتريق اتريق يا عم ماشي

حسام صح يا نور

غيره شعر بها سيف لا يعرف سببها وظهرت على صوته: حسام حسام مين يا نور

فارس: حسام مرتضى صح يا نور

سيرين: مين ده يا جماعة

فارس: ده بقى مسمينه الدنجوان مش سايب بنت يشوفها او تشتغل عندهم في

الشركة غير ويلف وراها لحد مايوقعها في شباكه

نور: مش كل الناس ضعيفة انها تقع مع واحد زى ده

مريهان: ايه عاكسك ولا وعدك بحاجة وخلى ياعينى تبقى حاجة صعبة اوى

نور: انا لحد دلوقتى محترمة المكان اللى انا فيه اكر من كده مش هسمحلك

مريهان: ايه عايزة تضربينى ولا ايه ماهو ده مستوى اللى زيك

سيف: مريهان لمى لسانك

مريهان: انا انا اللى الم لسانك ولاهى اللى الله اعلم جاية منين

نور: انا الحمد لله جاية من بيت محترم علمنى انى احترم البيت اللى انا فيه واحترم

ناسه بس الواضح انك معدتيش على بيت زى بيتنا ابقى تعالى اخلى باباوماما

يعلموكى الاصول

وقفت فجأة: عن اذنكم يا جماعة

عبد العزيز: خلصتم لسه حاجة تانية مفيش احترام لوجودى

جومانا: حضرتك شوف بتعمل ازاي بجد حاجة اوفر اوى بيئة بجد

سيف: فارس قول لخطيبتك تلزم حدودها احسن

نظر اليها فارس بغضب حتى تصمت

عبد العزيز: نور اقعدى كملى اكلك

نور: انا اسفة ياعمو انا الحمد لله شبعث ولازم امشى ودلوقتى

امينة: مينفعش يانور عيب ياحبيبتى

مريهان: العيب لو مطلعش من اهل العيب ميقاش عيب

احمر وجه نور وسيف وعبد العزيز بغضب من حديث مريهان

نور: بعد اذنكم اناهمشى عشان اتاخرت

سيف: نور استنى عاوزك سيرين تعالى امسكى ايدى

قامت اليه سيرين ونظرات الكراهية تشتعل بين نور ومريهان بشدة

سيف: نور تعالى اوضة المكتب عايزك

نور: عن اذنكم

خرجت بصحبة سيف وسيرين الى غرفة المكتب

سيف: نور انا اسف بجد والله اعذرينى

نور: على ايه ياسيف انت ملكش ذنب فى حاجة

سيرين: معلىش يانور هما كده اصلا حاجة غريبة بصراحة ياسيف مش عارفة انت

بتحبها ازاي دى

الم اعتصر قلب نور من كلمات سيرين احست بالفعل انه ليس من حقها حتى
الاحساس بالحب فقلبه ملك لاخرى يحبها وتحبه ولا سبب لوجودها ولا بد لها من
الرحيل وفورا

نور: معلى يا جماعة حصلش حاجة انا لازم امشى دلوقتى عن اذنكم

سيف: نور هستناكى الجلسة الجاية اوعى تغيبى عنى

نظرت اليه للحظات وتذكرت سيرين فقالت: ان شاء الله مش هتاخر عن اذنكم

سيف: استنى فارس يوصلك

دخلت مريهان فجأة: وفارس بيشتغل عندها ان شاء الله

تجهلتها نور: معلى ياسيف انا معايا عربيتى بره

مريهان: اه العربية المهعكة اللى بره دى

لم ترد عليها نور انما سيرين: مش شايفة انك زودتيها شوية ولا ايه

مريهان: ايه ده ايه ده وانتى بتدافعى عنها ليه

سيرين: انا حرة ادافع عن اللى بحبه وانا ونور بقينا اصحاب اوى ثم انا معنديش

اخوات بنات نور بقت اختى ولا ايه يانونو

نور: طبعاً ياسوسو ده انتى حبيبتى

سيف: وانا مليش فى الحب جانب ولا ايه

احمر وجه نور بشدة لاحظتها مريهان التى كأنها تريد الفتك بنور

استئذنت نور وخرجت بصحبة سيرين تودعها عند الباب

مريهان: مش شايف انك زودتها اوى ياسيف

سيف يدخن سيجاره المعتاد: قصدك ايه

مريهان: قصدى كلامك ودفاعك عن واحدة زى دى

سيف: نور مش اى واحدة نور الوحيدة اللى قدرت ترجعنى لحياتى من تانى نور اللى خلتنى احس ان عايش مش ميت كل واحد ينهش فيا شوية عشان مش شايف نور ملهاش مصلحة عندى غيرانى ارجع سيف من تانى سيف اللى كان قرب يموت وحياته تنتهى

مريهان: ايه ده ماتقول كمان انك بتحبتها

صمت سيف لحظة كانه يراجع حديثه امن الممكن انا يكون يحب نور

لالا امن المعقول ان يكون حبها دون ان يشعر قطع تفكيره صوت مريهان: ماتردى
عليا ايه لسانك وقف عن الكلام ليه بتحبتها ياسيف بتحبتها

تنفث سيجارته وقال بنفس عميق: معرفش

الحلقة السابعة (أصعب حب)

تركّتهم وذهبت تفكر هل لها الحق بحبه هل لها الحق فى وجودها بجانبه كانت
تستمع الى المذياع واستمعت الى اغنية الهبت قلبها كانها جاءت اليها وحدها

اصعب حب

لما تلاقي اللي انتة تحبه

ما يحبكش

ولا تحس

مهما عيونك تنطق

قلبه ما بيحسكش

تبدأ تضعف

يمكن يعطف

تبدأ توهب

يبدأ يخطف

فجأه تحس

إن اللي إنت وقعت في حبه

وقعت في حبه

ما يستاهلكش

أقوى عذاب

كل ما تيجي تقوله بحبك

يسكت قلبك ما يقولهاش

قول انك عايش وحدك

متغرب جوه حكاية

تايه مجروح مش عارف

خايف من أي نهاية

تبدأ تضعف

يمكن يعطف

تبدأ توهب

يبدأ يخطف

فجأه تحس

إن اللي إنت وقعت في حبه

وقعت في حبه

مايستاهلكش

كانها اشارة لوضعها نعم فهو حب من طرف واحد ويكفى العذاب ولا بد من الرحيل

مر حوالى اسبوع منذ زيارتها لبيت سيف ذهبت اليه مقررة الابتعاد وللابد

نور: صباح الخير ياياسمينه

ياسمين: نور حبيبتى وحشتنى

نور: انتى اللى وحشتينى يلا حضن كبير لمامى

ياسمين: يابكاشة مكنتيش بتسالى ليه

نور: هو انا فاضية زيك قاعدة على مكتب كده وخلاص لاياامى انا واحدة مهمة

ياسمين: ههههه بتعملى ايه يعنى

نور: بذاكر ادعيلى قوليلى سيف جوه

ياسمين: هيروح فين بس مش عارفة فى قلق بقاله كام مش عارفة ليه

نور: هيكون ليه المهم مزاجه ايه

ياسمين: مش عارفة متوتر كده

نور: طيب عرفيه انى موجودة

دخلت ياسمين وخرجت تسمح لنور بالدخول

نور: صباح الخير ياهندسة

سيف: صباح النور مع انى زعلان منك

نور: لالاليه كده بس انا زعلتك فى ايه قولى طمنى

سيف: بقالك اسبوع من يوم كنتى معايا فى البيت هناك لاجيتى ولا اتصلتى

نور: غصب عنى والله ياسيف

سيف: ليه بقى مين منعك عنى

نظرت اليه مطولا ثم اخفضت بصرها :مفيش مذاكرة وامتحانات وكده

سيف: ماشى بس احنا خلاص معدناش هنشوف بعض تانى

احست نور بقبضة قلبها هى فعلا تريد ذلك ولكن كيف عرف

نور: قصدك ايه

سيف: نور انا مسافر..... هعمل العملية

نور: بجد ياسيف بجد

سيف:ايوه يانور ده قرارى خلاص

نور:مبروك ياسيف وان شاء الله هترجع بالسلامة

سيف: نور انا عايز اقولك انى

نور: انك ايه ياسيف

سيف: انى معرفتش الدنيا بجد غير معاكى كنت فاكرها فلوس ومنصب وجاه طلعت
متساوش يوم واحد الواحد يعيشه مرتاح وباله مرتاح تعرفى انى اكبر منك بحوالى
عشر سنين بس اتعملت منك كتير

نور بمرح: احنا فى الخدمة ياسيدى بس قولى هتسافر امتى

سيف: الاسبوع الجاى لازم تيجى اودعك واسلم عليكى

نور بحزن: ان شاء الله ياسيف

سيف: مالك يانور

نور: ابدا مفيش

سيف: لا فيه مالك قوليلى

نور: لا ابدا صدقنى انا كويسة

سيف احس بحزنها لم يريد الضغط عليها اكثر

خلاص براحتك بس مش عايز عينيكى الحلوة دى تدمع ممكن

نور: هههه هى مش حلوة خالص

سيف: بامارة انها عسلى وبقلب اخضر فى الشمس

نظرت اليه بدهشة كبيرة ضحك عليها بشدة من سكوتها

ایه فاکرانی شوفتک لایاستی دی سیرین وصفتک لیا بامارة شعرك الاسود الطویل

اوی

غضبت نور بشدة :مكنش ينفع تقول كده

سیف باستغراب: لیه یانور ماانا لوکنت مفتاح کنت هشوف شعرك

نور: لا طبعاً مکنش هتشفه

سیف: لیه عادی یعنی

نور: لایاسیف بس باین سیرین نسیت تقولک انی محجة

اندهش سيف: معقول الفترة دى كلها معرفش انك محبة

نور: ایوہ

سيف: طب زعلتی لیه

نور: لا ابدًا بس مینفعش توصفنی لراجل

سيف:ايوه بس انا..... مش بشوف

احست بالم يعتصر قلبها: لا ياسيف مش كده والله مقصدهش انا اقصد انه حرام ان
ست توصف ست لراجل

سيف: انا بصراحة مكنتش اعرف انا اسف يانور بجد مكنش قصدى ازعلك منى
ولا من سيرين

فتح الباب فجأة ودخلت من مريهان :الله الله انتى ايه اللى جابك هنا
سيف: مريهان ايه اللى جابك

مريهان: جاية اشوف المشهد الرومانسى الجميل ده

سيف: احترمى نفسك اكر من كده وهيبقى ليا تصرف تانى

مريهان: هتعمل ايه يعنى كل مرة اظبطك مع واحدة وتعمل الشويتين دول وبرضه
بترجعلى تانى عادى يعنى

اندهشت نور من كلمات مريهان امن الممكن ان يكون سيف هذا هو الذى
تحدث عنه

سيف: انتى بتقولى ايه انتى مجنونة

اقتربت منه ولفت ذراعيها حول رقبته من الخلف وهمست فى اذنه

ايه يا حبيبي بس بصراحة المرة دى ذوقك وحش اوى

ابعد ذراعيها عنه بقوة وقام من مجلسه: اخرسى انتى بتقولى ايه انتى اتجنتنى

نور نور متصدقيش والله كذابة والله كذابة

مريهان: وانتي بتحلفلها ليه ان شاء الله

سيف بثقة: عشان يهمنى انها تصدقنى نورانا بقولها لك اهو واودامها ومش خايف
من حد ومش شايل هم حد انا يهمنى انك الوحيدة اللى تكونى مصدقانى انا عمري
لا مشيت فى غلط ولا عملت حاجة تغضب ربنا لازم تعرفى كده اكثر من كده مش
هقدر اتكلم غير لما ارجع لو ربنا قدرلى انى ارجع وانا شايف هتعرفى كل حاجة لو
فضلت زى ما انا مش هقدر اتكلم

دقات قلبها تتصاعد بشدة: تقصد ايه ياسيف

اقترب من مصدر صوتها: هتعرفى لما ارجع وساعتها هقولك كل حاجة ولو رجعت
وانا شايف عايز اعرفك لوحدى مش عايز حد يعرفنى عليكى عايز قلبى يحس
بيكى قبل عينى

صرخت مريهان بغضب: انت بتقول ايه هو انا مش موجودة بتكلمها ولا بتكلمنى انا
خطيبتك انا اللى هبقى مراتك مش الزبالة دى

كان قريبا منها ماكان منه الا صفة اسقطتها ارضا بعنف

دی انصف منک ومن عیلتک یابنت الناس المحترمة ایه فکرانی معرفش بتقولی علیا
ایه انا مریهان سلیم اتجوز واحد اعمی مستحیل مش کده

مریهان:ایوه ایوه انت اعمی وعمرک ما هتفتح تانی هتفضل اعمی لحد ماتموت
سمعی اعمی

غضب شدید انتاب نور وسیف الذی حاول التماسک فجلس علی اقرب کرسی له
نور:انتی ایه حیوانه معندکش قلب منک لله

مریهان:انتی تخرسی خالص یاوش المصایب انتی طلعتی منین بس والله لتکون
نهایتک علی ایدی

خرجت مسرعة بغضب وترکتهم

جشت نور علی رکتیها بجوارسیف:سیف اوعی تضعف اوعی انت

خلاص قربت اوعی یاثر فیک کلامها دی غبیه عصیبتها خلتها تقول کلام عبیط
صدقنی

سیف:ومین قالک انی هضعف ولا هرجع عن قراری بس قراری مش عشانها
لاعشانک

الجمت کلماته لسانها صمتت ولم تسطع التفوه بای کلمة

سيف: نور اوعى تنسينى اوعى تصدقى كلامها اوعى تبعدى عنى انا لوسافرت هييقى

عشان عايز اشوفك نور سمعانى

كانت كالتهائة من حديثه: سمعاك بس مش فهماك

سيف: اما ارجع هتعرفى كل حاجة

صدقينى هتعرفى كل حاجة

الحلقة الثامنة (فراق ولقاء)

ليس هناك اصعب من فراق من احببت من تعشق ولا تعلم متى يعود وهل سيعود لك كما كان

انتهى سيف من تجهيز نفسه للسفرالى فرنسا لاجراء العملية

شعور صعب تباعد من اجل العودة وهل ستعود بامل ام بهزيمة تظل بها عمرا كاملا
اراد ان يسمع صوتها للمرة الاخيرة الا انه فضل العكس كان يخاف ان يتعلق بها
وتتعلق به ويعود بخيبة امل تسحق احلامه معها

جاء يوم السفر ولم يخبرها حتى بميعاده كما اتفق معها ودع اهله على امل اللقاء مرة
اخرى وهو يراهم كما كان فى السابق

استقل سيارته بصحبة خالد وفارس وسيرين فى طريقهم للمطار

انتهى من اجراءات السفر جلس على كرسيه بجوار سيرين

سيرين: هتوحشنى اوى ياسيف

سيف: وانتى كمان يا حبيبتي هتوحشيني كلكم هتوحشونى

سيرين بخبت: كلنا مين بالظبط

سیف:هیكون مين يعنى انتى وماما وبابا وفارس

سيرين:بس

سیف:قصدك مين لو قصدك مريهان تبقى غلطانة معدتش لها لازمة ولاقيمة عندى

خلاص

سيرين:بس انا مقصدش مريهان انا اقصد نور

تنهد سيف :خايف خايف ياسيرين العملية متنجحش ساعتها مش هعرف اقرب منها

سيرين:سيف انت بتحبتها

سكت قليلا:اكذب لو قولت انى ممكن اعيش من غيرها واخاف العملية متنجحش

ساعتها مش هقدر اربطها بيا تعيش عمرها معواحد اعمى

قطعاهم صوت نور:تروح وتيجى بالسلامة ياسيف

انتفض من مكانه وحاول القيام استند على يد سيرين:نور انتى جيتى ازاي

نور:مش عايزنى اجى اسلم عليك

سيف:لا طبعا مقصدش بس مكنتش عايز اتعبك

نور:لاياسيدى انا مش تعبانة

ارتفع صوت النداء برقم طائرة سيف

سيف: نور اشوف وشك يخير خلى بالك من نفسك ممكن

نور: خلى بالك انت من نفسك

سيف: نور عندى كلام كثير نفسى اقولهولك بس مش هقدر دلوقتى لوربنا اراد
ورجعت هتعرفى كل حاجة لكن لو.... لو مرجعتش هتلاقى رسالة ليكى مع سيرين
وساعتها ابقى ادعيلى

بدات دموعها تغرق وجهها :سيف انت بتقول كده ليه

سيف: نور العملية اه نسبة نجاحها كبير بس فى ناس اثرت عليهم و.....وحصلهم
مشكلة واتوفوا بعدها عشان كده بقولك سمحيني لو كنت زعلتك لو كنت جرحتك
انا مكنتش اعرفك ولاكنت اعرف نفسى غير لما قابلتك نور انتى احلى حاجة
حصلتلى فى حياتى انتى كنت النور اللى اتحرمت منه

قاطععه صوت خالد:يلا ياسيف الطيارة

سيف:حاضر.....نور خلى بالك من نفسك وابقى زورى امى وابويا واخواتى
نور انا انا

نور:انت ايه ياسيف انت ايه

خالد:يلا ياسيف

سيف: نور اشوف وشك بخير مع السلامة

بكت نور بشدة :هشوفك تانى ياسيف متاكدة وهتشوفنى صدقنى هترجع ليا اقصد
لينا كلنا انا متاكدة انا واثقة فى ربنا وانت كمان لازم تثق فيه ربنا بيحبك صدقنى

سيف: ونعم بالله مع السلامة يانور مع السلامة

نور: مع السلامة ياسيف لا اله الا الله

سيف: محمد رسول الله

مر حوالى شهر وحالة نور تزداد سوء منذ غياب سيف والى الان لاتعلم عنه شئ
كانت تحادث سيرين وتخاف من السؤال عليه حتى لا يشعر احد بمشاعرها تجاهه
انتهت الامتحانات وظهرت النتيجة وكما تعودت نور امتياز مع مرتبة الشرف

وفى يوم وهى بصحبة ملك وفريدة فى الدار تجلس مع الاطفال

المكفوفين تضحك معهم كانها منهم انتهت على اسمها نظرت فوجدت خالد
يقف امامها قامت اليه مسرعة

نور: خالد ازيك عامل ايه فينك من زمان

خالد: فينك انتى ولا عشان سيف سافر خلاص

نور: لا ابدا والله اديك شايف بجى الدار هنا وبحاول اشوف شغل قول يارب

نظر خالد خلفها: مش تعرفينا

نور: اه معلش نسيت ملك وفريدة

كان نظره مسلط على ملك بشكل خاص: اهلا وسهلا اتشرفت بمعرفتكم

ملك بخجل: لينا الشرف

ابتسمت نور بخبت: ازيك ياخالد

انتبه خالد لحاله: ايه اه الحمد لله عايزك ممكن

نور بخوف: خير ياخالد..... سيف كويس

ابتسم خالد: الحمد لله العملية نجحت وعدى مرحلة الخطر يا نور

نور بسعادة ولهفة: بجد بجد ياخالد

ابتسم: اه يا نور بخير والله وبعتنى ليكى مخصوص

نور: خير ياخالد فى ايه

خالد: نور سيف قبل ما يسافر طلب منى انى اجهز قسم للديكور عندنا فى الشركة

وانتى اللى تمسكيه

اندهشت نور: معقول طيب ليه

خالد:اعمله ايه هو عايزك فى الشركة تبقى مسئولة عن القسم الجديد والمكتب
خلاص اتجهز وكله تمام

نور:ايوه ياخالد بس

خالد:بس ايه دى اوامر عليا مقدرش اقولها لا

فجأة رن هاتفه :الووو ايوه ياسيف ايوه ياسيدى اهى اودامى اهى

خالد:اتفضلى ياستى

امسكت الهاتف برعشة:الوو

سيف:نور نور ازيك

ادمعت عينيها:سيف سيف انت كويس

سيف:ايوه يانور الحمد لله اناتمام العملية نجحت يانور ورجعت اشوف تانى يانور
بشوف والله

بكت نور:حمدلله على السلامة ياسيف الف حمد لله على السلامة

سيف:نور نور بتعطى ليه انا كويس والله متخافيش

نور اسمعى كلام خالد بلاش دماغك النشفة دى روحى الشركة وابدأى الشغل واول
شغل ليكى غيرى ديكور مكتبى ممكن

نور: حاضر ياسيف حاضر

سيف: ايوه كده برافو عليكي يانونو

ضحكت نور بشدة: نونو ايه ياعم انا كبرت خلاص

سيف: تصدقي بالله وحشتني ضحكك دي

ارتبكت نور بشدة واحمر وجهها

سيف: اكيد وشك احمر صح عارفك انا هههههه

نور: خلاص بقي ياسيف ده انت صعب

سيف: ماشي يانور اسمعي الكلام بكره تكوني في الشركة سمعتي

نور حاضر ياسيف

سيف: احبك كده وانت مطيع

لاتدرى بما شعرت وقتها هل بالفعل قالها ام انها كانت في حلم جميل افاقت على

صوته

نور نور انتي معايا

نور: ايوه ياسيف معاك

سيف: يارب تفضلنى معايا على طول يا نور

نور: سيف مال كلامك غريب كده ليه

سيف: بالعكس هوده الكلام المظبوط مش غريب ولا حاجة نور انا مضطرا قفل
دلوقتى هكلمك تانى

نور: خلاص ياسيف مع السلامة

بدات نور عملها بشركة سيف واول اعمالها تغيير ديكور غرفة سيف

كانت ملك وفريدة مع نور فى الشركة كما كانوا فى الجامعة

صباح يوم جديد ذهبت نور الى عملها وجدت حركة غريبة وكثيرة بالشركة دخلت
الى مكتبها

نور: صباح الخير يا حلوين

فريدة وملك: صباح النور

نور: مش ملاحظين حركة غريبة فى الشركة

ملك: انا برضه لاحظت بس معرفش ليه

دخل عليهم خالد: صباح الخير على الحلوين

الجميع: صباح النور

نور: خالـد فى ايه الشركة فيها حركة غريبة فى حاجة

ضحك خالـد بشدة: اه طبعـا فى سيف رجع يانور

لم تصدق اذنها :خالـد انت بتهزر

خالـد: ودى فيها هزار عشر دقائق وهيكون هنا معـلش بقى اسيبكم ورايا حاجات
كثير سلام

جلست على كرسيها وهي تتنفس بشدة

فريدة: مالك يانور المفروض تكونى فرحانة

نور: طبعـا فرحانة بس مش عارفة خايـفة ليه

ملك :اكيد طبعـا متوترة بس هو هيعرفك ازاي

نور كالتائهة: مش عارفة ممكن ميعرفنيش

فريدة: لا طبعـا هيعرفها من خالـد من فارس او حتى من صوتك او انتى تقوليـله

نور: لا لا مش هقولـه هسيبه يعرفنى

فجأة بدا العاملين بالشركة ينظرون من النوافذ على القادم قامت

فريدة وملك على النافذة ايضا

وجدوا خالد مع رجل اقل ما يقال عنه انه وسيم هو فعلا وسيم بحق

انه صاحب الشعر الكستنائى الطويل والبشرة القمحية والنظارة الريبان التى اعطتها
جاذبية اكثر طويل بجسد رياضى ممشوق

ملك:نور نور هو ده سيف

اقتربت من النافذة ببطء وجدته على باب الشركة يتلقى التحية والسلام من العاملين
بكل ثقة

نور:ايوه هو

فريدة:يخرب عقلك ليكى حق تتمسكى بيه

نور:الشكل مش كل حاجة يافريدة

ملك:مالك يانور

نور:مش عارفة ضربات قلبى بتزيد مش عارفة ليه

ارتفع اصوات العاملين بالتحية على سيف الذى اقترب من مكتبه بجوار مكتب نور
خرجت ملك وفريدة ينظران ونور ظلت مكانها ترتعش كادت تفقد وعيها من شدة
ضربات القلب

هاهو امامها التفت الاعين للحظات

نظر اليها سريعا ودخل مكتبه

بعد فترة جاءت ياسمين:يابنات بشمهندس سيف عايزكم

نور:ليه ياياسمين

ياسمين:كل المهندسين فى الشركة عند دلوقتى يلا

خرجت فريدة وملك ونور خلفهم توخر خطوة وتقدم الاخرى حتى وصلت مكتبه

كان يرحب بالجميع الذين بدواء التوافد على مكتبه

اخذ يملى عليهم تعليماته للمرحلة القادمة

كانت نور تقف بعيدا لايلاحظها احد ولا حتى سيف فكيف له ان يعرفها لم يراها

لم يعرفها مسبقا فكيف يعرفها

انتهى من القاء تعليماته وبدا الموظفين بالخروج ثم رفع صوته:قسم الديكور يستنوا

لو سمحتوا

ظلت ملك وفريدة ونور واثنين اخرين كانوا يعملون معهم داليا وسامى

بدا سيف فى الحديث معهم دون ان يعرف اسمائهم انتهى من كلماته وتعليماته

لهم:اتفضلوا الاجتماع خلص

خرجوا جميعا ونور فى نهايتهم حتى اقتربت من باب المكتب وجدت سيف يضع
يده على الباب مانعا اياها من الخروج اندهشت لتصرفه وقال:عايزك ياهندسة
مممكن

نور بصوت خافض:تحت امرك خير

اغلق سيف الباب ونظر فى عينيها مباشرة:وحشتينى

اتسعت عينيها وهى تستمع اليه

سيف:مالك فكرانى مش هعرفك نور قولتلك قلبى هيعرفك قبل عينى

ادمعت عينيها :حمد لله على السلامة ياسيف

سيف:يااااه يا نورمكتتش اعرف انك حلوة اوى كده

احمر وجهها بشدة:ايه مالك يا نور

نور:لا ابدا مفيش حاجة

سيف:فاكرة انى قولتلك انى هقولك حاجة لو رجعت

اومات براسها ولم تتكلم

سيف:نور انا بحبك

نظرت اليه ولم تستطيع الكلام اعادها مرة اخرى

نور بحبك والله العظيم بحبك

نور: سيف انت بتقول ايه

سيف: مسمعتيش اقولها لك تانى بحبك يا نور بحبك

حاولت الخروج اعترض طريقها تتجوزيني

نور: سيف انت بتقول ايه

سيف: بقول اللى فضلت حابسه جوايا من زمان وعهدت نفسى اول ما اشوفك لازم

اقولها لك بحبك يا نور بحبك

انفتح الباب فجأة ودخلت منه مريهان: سيف حبيبى حمد لله على

السلامة وحشتنى اوى والقت نفسها بين ذراعيه وتنظر لنور نظرة

شماتة خرجت نور مسرعة

سيف: نور استنى

مريهان: سيف بقولك وحشتينى

سيف: مريهان

مريهان: عيون وقلب مريهان

سیف:اطلعی بره بره

الحلقة التاسعة (عذاب حبك)

يقف سيف بمنتهى القوة والثقة بالنفس: انا قلت بره ولا نفسك فى حاجة عايزة
تقولها

تجاهلته مریهان وجلست علی کرسی تضع قدم فوق الاخری

حبیبی انت لیه مش عایز تفهم انا غلطت اه بس مش نهایه العالم یعنی

سيف: عندی انا هي النهاية ومفیش كلام تانی

مريهان: لافي بص ياسيف انا وانت مناسبين جدا لبعض في كل حاجة عيلة ونسب

لكن البنت دى تطلع مين تسوى ايه جنبى انا

سیف: اذا كانت تسوی فتسوی کثیررررر اوی عارفة الفرق بینک و بین نور مش

الفلوس ولا العيلة لالا لالا القلب البرئ اللي مفيش حقد ولا كره ولا غل نحية حد

خلانی مش احبها وبس لا اموت فيها کمان ومتنکریش انها قمر احلی منك بکثیر

تصاعد الغضب ذروته عند مريهان: سيف بلاش تتحدانى لانك انت الخسران انت
عمرك ماhtكون غير ليا انا وبس سمعنى

سيف بصوت عالى: ياسمين

تدخل ياسمين مسرعة: تحت امر حضرتك

سيف: الانسة ماهى نسيت طريق الخروج عرفيها بعد اذنك

خرجت ماهى مسرعة بغضب لكنها توقفت فجأة واتجهت الى مكتب نور

مريهان: اوعى تفكرى انك هتاخديه منى ده بعدك مش واحدة زيك انتى هتاخذ

حاجة من مريهان سليم سامعة

نور: حد سامع حاجة يابنات

مريهان: بقى كده ان ماوريتك مبقاش انا انتى فاكرة هتوصلى لايه سيف ليا انا
وحدى

وجدت من يمسك ذراعها فجأة التفت وجدت سيف وبكل غضب: اطلعى بره

واياكى تتكلمى معاها تانى سمعانى بره

نظرت لنور والى سيف: ماشى ماشى ياسيف

الكل فى المكتب مندهش من جراءة مريهان ومن رد فعل سيف

سيف: نور عايزك وخرج سريعا لم تتمكن حتى من الاعتراض

دخلت نور مكتب سيف مترددة

نور: ايوه ياسيف

كان يجلس على مكتبه مرتديا نظارته الطبية رفعها عن عينيه

اقفلى الباب

ترددت قليلا: هو كويس كده

ضحك سيف بشدة: اوعى تكونى خايفة منى

وضعت ذراعيها امامها: لا متخافش عليا انا بعرف ادافع عن نفسى كويس

قام من مكانه واقترب منها: ازاي بقى ممكن اعرف

ارتبكت نور: سيف عايز ايه

سيف: قولتلك وانتى مردتيش عليا

نور: انت مقولتش حاجة

سيف: لا قولت قولتلك تتجوزيني مردتيش

نور: سيف بطل هزار

سیف: هزار ایه بقولك بحبك وعایز اتجوزك دی فیها هزار

ازداد احمرار وجهها وسكتت ولم ترد

نور قولتلك انك غیرتی حیاتی علمتینی حاجات کثیر عمری ماكنت اتخیل انی
اعملها ونفسی نکمل حیاتنا سوا ولا انتی شایفة ان فرق السن کبیر

نور بسرعة: لالا ابدا مش کبیر

ابتسم سیف: یبقی خلاص یومین کده اظبط نفسی وهجی اخطبك من عمو فکری
ممکن

اومات براسها وترکته وغادرت وهی تتنفس بسرعة

الیوم التالی نور فی مکتبها تصمم احد المشروعات سمعت من ینادی علیها

نور ازیک

اندهشت نور: جومانا اهلا وسهلا اتفضلی

جومانا :مرسیه یاقمر انا كنت عند فارس قلت اعدی علیکی اشوفك اصلك
وحشتینی اوی

استغربت نور من جومانا فاول لقاء لهم اشتدوا کثیرا فی الحدیث ولا یوجد ما یدعو
للزیارة

نور: نورتي يا جومانا تشربي ايه

جومانا: ممكن عصير فريش

رفعت نور الهاتف وطلبت العصير

جومانا: معلش يانور انا عارفة انك زعلانة من اللى حصل بس انا لو منك مرضاش

ابدا اني اعيش مع عيلة مش عاوزاني

نور: ازعل ليه وعيلة ايه اللى مش عاوزاني

جومانا: قصدي يعني على تصرف اونكل عبد العزيز متعرفيش عمل في سيف ايه لما

فتحه في موضوع الجواز بتاعكم يااه البيت كان حريقة وعمو تعب وطنط تعب

وكان هيطرده سيف من البيت ويحرموا من الميراث بس بصراحة انتي غلطانة كان

لازم تعرفي ان الناس مقامات ومش ممكن العلاقة دي تنجح ولا ايه

بدات دموع نور تتساقط: مفيش حاجة من دي يظهر بس في سوء تفاهم مفيش

جواز ولا حاجة اصل ديما سيف بيعحب يهزر كده

جومانا: انا قلت كده برضه مش معقول يعني يسيب مريهان بنت عزت سليم وهما

ليهم مصالح كتير مع بعض ولو انفصلوا ممكن يخسر كل حاجة

نور: اه اه طبعاً

جومانا:طيب استاذن انا يانور هشوفك تانى باااى

لم تشعر نور بخروجها ولا بدخول ملك وفريدة

ملك:مين البت الملزقة دى يانور

لم ترد عليهم ولكن دموعها ردت بالم وحسرة

فريدة :مالك مالك يانور

قصت عليهم حديث جومانا كاملا

فريدة:انا شايفة انه كذابة سيف مش صغير عشان حد يجبره على حاجة

نور:ولو كان ممكن يخسر اهله ساعتها اعمل ايه اساعده يعمل كده لا مقدرش

ملك :نور اسالى سيف اولاً وشوفى رد فعله ايه

نور:لا مش هساله انا هدخله واشوف عامل ايه ساعتها هعرف كل حاجة

دخلت نور الى سيف المكتب وجدته غاضبا يتحدث فى الهاتف بعصبية شديدة

وصوته عالى جدا على ياسمين لم يشعر بوجودها حتى

علمت ان حديث جومانا صحيح فعلا ولهذا قررت الانسحاب وللابد

خرجت الى مكتبها تبكى بشدة وقصت لهم ماحدث

اليوم التالي طلبها سيف لمكتبه ذهبت اليه قام من مجلسه ووقف امامها

نور حبيبتى وحشتينى عندى ليكى مفاجاة

نور:خير

سيف:انا هجى النهاردة اطلب ايدك من عمو فكرى ايه رايك بقى

ادمعت عينيها :سيف مش وقته

اندهش سيف من ردة فعلها :نور انتى بتقولى ايه بقولك هجى اخطبك تقوليلى مش وقته

نور بصرامة:ايوه ياسيف مش وقته ناجل الموضوع ده شوية

التف اليها:انتى بتقولى ايه ايه اللى غيرك ردى عليا

نور:هيكون ايه بس انا مش عايزة ارتبط دلوقتى

سيف:نور انتى بتهزرى صح

نور:لا طبعا واهزر ليه

امسكها من ذراعيها بقوة:انتى اتجننتى واللى بينا احنا تفقنا انى اروح لابوكى واطلبك منه ليه ليه

نور:سيف كفاية قولتلك مش دلوقتى

سيف: امال امتى ردى انا عايز اعرف مين اللى خلاكى تغيرى رايك ردى ردى عليا
انطقى

جذبت ذراعيها من يده: مفيش حد ولو سمحت سيبنى عايزة امشى

سيف: مش هتمشى قبل ما اعرف فيكى ايه مين اللى لعب بدماغك فى حد تانى
غيرى ردى عليا ابوس ايدك

نور: لو سمحت دى حاجة شخصية

سيف: يعنى ايه كنتى بتخدعيني بتضحكى عليا يانور ولهفتك وخوفك واحساسى
بيكى كل ده كذب كذب انطقى

نور: سيف انا لحد اللحظة دى عمرى ما قولتلك حاجة ولا وعدتك بحاجة انا مفيش
حد فى حياتى انا مش بفكر فى الموضوع ده اصلا

عن اذنك

سيف: استنى هنا انتى ايه ايه الفرق بينك وبين مريهان دلوقتى انتوا الاتنين كذايين
بس الفرق انها كانت صريحة لكن انتى ممثلة عظيمة قدرتى تضحكى عليا وتوقعيني
فيكى وفى الآخر معطلكش مش كده

نور: خلصت ممكن امشى بقى

سيف بغضب: انتى ايه حجر مش حاسة باللى عملتیه فيا حرام عليكى حرام

غادرت نور وقلبها يتمزق عليه وعلى نفسها فهي لا ترضى له بغضب ابيه وامه ولقد قالها سيذهب بمفرده اى انه لم ياتى احد منهم معه معنى ذلك انهم رافضون ولن تقبل بحرمانه من كل شئ

مرت مدة كبيرة وقررت نور الابتعاد والاستقالة ولكن بعد انتهاء مشروعها

تدخل مريهان المكتب على سيف بدلال وحب وجدها فرصة لاثارة نور طلبها لتاتى اليه لمناقشة مشروعها معه

دخلت نور وجدت مريهان تجلس بجواره على المكتب بثقة

الم يعتصر قلبها حاولت التماسك حتى لا تظهر ضعيفة

سيف: التصميم ده عايز تعديل

نور: ايوه بس انت كنت موافق عليه

سيف: قلت يتعدل سمعتى ولا ايه

نور: اسفة التصميم منتهى

امسك سيف التصميم ومزقه امامها وهى تنظر اليه بحسرة ليه كده

سيف: عشان انا اما اقول يتعدل يبقى يتعدل اتفضلى ومتجيش هنا غير لما يتعدل
سمعتى

نور بحزن شديد وعيون مريهان تتوجه اليها بنظرة الفوز وتتدلى على سيف تهمس
فى اذنه وتضحك بشدة

خرجت نور واغلقت الباب بعنف جلست على مكتبها تبكى بمرارة وهى تتذكر
كلامته يوم وصوله كيف كيف تحول الحب الى عداوة كيف

زن هاتفها فجأة:الوو ايوه حبيبي انت فين طيب انا نازلك حالا مش هتاخر سلام
كانت مريهان تقف امام النافذة وسيف شاردا حزينا على فعلته بنور وتصميمها
الاكثر من ناجح ولكن هى من فعلت ذلك

مريهان:اوباللى تعالى تعالى ياسيف اتفرج

خرج سيف ينظر الى ما تنظر اليه اتسعت عينيه بشدة والم لقد وجد نور تحتنض
شاب طويل القامة ابيض البشرة بشعر اسود قصير
ومتعلقة فى رقبته بشدة

مريهان:شوف بقى عرفت الست هانم المحترمة

دخل سيف الى غرفته يكسر كل شئ امامه وصورة نور وهى تحتضن هذا الشاب
سيطرت على تفكيره

سيف :ماشى يانور ماشى

الحلقة العاشرة (ظلمك حبيبي)

عاد لماكان عليه فى السابق من صمت وبعد عن العالم كان دائما وحيدا شاردا كان
يجلس فى مكتبه ويستمع الى اغنية كانها توصف حالها بالفعل

ادى الملاك البرىء

أبو قلب طيب قوى

ادى اللى كان كل شئء

كسر لى قلبى القوى

ادى الملاك البرىء

أبو قلب طيب قوى

ادى اللى كان كل شئء

كسر لى قلبى القوى

كان ليلى كان قمرى

كان روحى كان عمرى

سلمت له قلبى

كان ليلى كان قمرى

كان روحى كان عمرى

سلمت له قلبى

واحنا فى نص الطريق

قلبه عليه قوى

لم يكن حاله وحدها فنور ايضا تذكرت مريهان وهى تجلس بجواره غيرة تشتعل
بقلبها ولكن فهو لن يعود اليها ويترك مريهان بنفوذ والدها ورغبة والده فى ارتباطهم
كانت تقود سيارتها شاردة حاولت ان تشنى عقلها عن التفكير فيه فشلت فى ذلك
وهى تعلم جيدا انها تحبه بل تعشقه ولكن كيف لها ان تكون انانية خرجت من
شرودها على صوت هاتفها ردت عليه

الووو.... ايوه مين جومانا اه اهلا ازيك خير

ايه خطوبة مين..... سيف

الم اعتصر قلبها بكت وبشدة وحاولت ان لا يظهر على صوتها

طيب وانا اعمل ايه..... ربنا يهنيه عن اذنك

اصعب احساس يمكن ان يشعر به انسان ان يكون حبيبك لغيرك ولكنه الحب نعم

ولكن لن يعود نفعا انتهى كل شئ انتهى

كان سيف فى غرفته بالقصر شاردا صامت رن هاتفه وجد خالد

ايوه ياخالد..... لا فى البيت هكون فين

لالا مليش مزاج خروج معلىش..... طيب طيب خلاص ساعة واكون عندك.....

سلام

ارتدى ملابسه ونزل السلم

عبد العزيز:على فين ياسيف

سيف:خارج يا حاج

عبد العزيز:لا خليك فى ضيوف جاينين عايزين يشوفك ويسلموا عليك

سيف:معلىش يا بابا مش عايز اشوف حد معلىش

عبد العزيز:يا ابنى استنى بس قاطعه جرس الباب

وصلوا تعالى نسلم عليهم

استقبل عبد العزيز صديقه فكرى ومعه نفس الشاب الذى راه مع نور

اراد ان يذهب اليه يقتله ولكنه تماسك نداه والده

تعالى ياسيف

سيف ابني يافكرى

عبد العزيز: عمك فكرى ياسيف والد نور

سيف: اهلا اهلا ياعمو اذى حضرتك وينظر بغضب للشباب الاخر

فكرى: اهلا بيك يا حبيبي وحمد لله على السلامة معلش جت متاخرة

سيف: لا ابدا ياعمى

اشار فكرى للشباب: ده..... نادر ابني واخو نور.....

فتح سيف عيناه وفمه لا يصدق ما يسمع

سيف: حضرتك بتقول نادر

نادر: ايوه انا نادر

قام سيف من مكانه: بالله عليك انت نادر

اندهش الجميع من طريقة سيف

نادر: اه والله ليه فى ايه

احتضنه سيف بشدة: الف الف حمد لله على السلامة

استغرب نادر من افعال سيف: الله يسلمك

فكرى: احنا جايين نعزكم على خطوبة نادر عقبالك ياسيف

عبد العزيز: الف الف مبروك يانادر وخطبت مين بقى

نادر: الله يبارك فيك ياعمى انا خطبت فريدة صحبة نور اختى تعرفها ياسيف مش

كده

سيف: اه طبعا زين مااخترت يانادر

دخلت الخادمة بواجب الضيافة وضعتهم امامهم وخرجت

سيف: نادر ممكن اتكلم معاك شوية

نظر اليه نظرة متفحصة وانا كمان عايزك

خرجوا الى الشرفة يتناولون الشاى قال نادر بصرامة

عايز ايه من نور ياسيف

اندهش سيف بشدة: انت تقصد ايه

نادر: انت مش خلاص رتبت حياتك ورجعت لخطيبتك القديمة خرج نور من لعبتك ياسيف

سيف: تقصد ايه انا مش فاهم حاجة

نادر: سيف نور بنت طيبة متقدرش تستحمل غدر سمعتنى

سيف: نادر انا بقولها لك اهو انا بحب نور بحبها سمعنى

نظر اليه يتفحصه :ايوه بس اهلك مش عايزنها

سيف: انت بتقول ايه مين قالك كده

نادر: نور

سيف: ونور جابت الكلام ده منين

تردد نادر قليلا: رد عليا يانادر مين قال كده لنور

نادر: سيف انا مش عايز مشاكل وتبقى اختى السبب فيها

زاد غضب سيف: رد عليا يانادر بدل ما اعمل حاجة غلط

نادر: واحدة اسمها جومانا راحتها المكتب عندك وقالتها ان الحاج اتخانق معاك

بسببها وانه تعب والحاجة كمان تعبت وعايز ترجع لخطيبتك

سيف:ابدا والله ماحصل بالعكس اول ما فتحتهم وافقوا على طول وكنت هجى
اتكلم مع عمى فكرى قبل هما مايجوا معايا لكن فجاة لقيت نور مش عايزانى
بقيت هتجنن والله كنت حاسس انى بموت

نادر:ههههههه الحب يا اخويا الحب

سيف:هتساعدنى يانادر

نادر:هساعدك بس اوعدنى اوعى تزعلها منك

سيف:اسلمك روحى ونفسى تعمل فيهم اللى انت عايزه

نادر:اتفقنا

فرحة تعم الجميع بخطوبة الذى كان رافض للزواج الا عندما راى فريدة غير رايه
تماما

تجهز الجميع فى منزل سيف لحضور حفل الخطوبة جاءت جومانا بصحبة مريهان
التي اندهش الجميع من حضورها فهم يعلمون جيد ا
ان سيف سيرتبط بنور فكيف لها ان تاتى

سيرين:سيف الحق مريهان جت

سيف يرتدى جاكيت بدلته الانيقة:طب كويس قوليلى فارس عارف خطوبة مين

سيرين: لا بس مش عاونا نقوله خطوبة مين ليه؟

سيف: عشان لو عرف هيقول لجومانا وجومانا هتقول لماهى وانا مش عاوز كده

سيرين: طب ليه

سيف: هتعرفى بعدين قوليلى الجماعة جاهزين تحت

سيرين: بيستنوك تحت يلا

نزل سيف مع سيرين فى قمة اناقته

فارس: ايه ياعم الشياكة دى اللى يشوفك يقول عريس

ضحك سيف ونظر الى ماهى :طبعا عريس ولا ايه ياماهاى

ابتسمت ماهى :طبعا يا حبيبى

انطلقوا جميعا لحفلة الخطوبة

مريهان: مش تقولى خطوبة مين

سيف: قولتلك ابن واحد صاحب بابا

مريهان: مين يعنى

سيف: اصبرى على رزقك

دخل العروسين وسط الزفة الجميلة ووسط فرحة الجميع كان نظره يدور حول
الموجودين ليراها لكنه لم يراها جلس العروسين فى الكوشة وبعد قليل دخلت نور
وملك كانت بحق جميلة بحق تبهر الجميع بجمالها ورقتها كانت ترتدى فستان
احمر زاهى جاذبية وجمالا

عيناه لم تفارقها ابدا كان يريد ان ياخذها بعيدا عن اعين الناس لا يراها احد ولا
ينظر اليها كانت تنظر حولها تلقى التحية على الموجودين لمحتة ينظر اليها بشوق
وحب كانت تريد ان تتجاهله ولكنها وجدت سيرين تشير لها

ذهبت اليهم وبكل ثقة القت التحية على الجميع وعندما رات مريهان بجواره تالم
قلبا تماسكت لتظهر قوة امامهم

صدمة مريهان كانت كبيرة بحق سكتت حتى رحلت عنهم نور

مريهان: انت ليه مقولتش انها موجودة

سيف برود: وهيفرق ايه

مريهان: يعنى ايه انت قاصد تعمل كده

سيف: لالا يا حبيبتي عادى يعنى متشغليش بالك

كان يراقبها فى كل تحركاته وغيره تشتعل بقلبه من نظرات الموجودين لها لمحتة
اكثر من مرة ينظر نحوها تجاهلته تماما فجاة وجدت من يقف خلفها

نور ازبك

نور: احمد معقول حمد لله على السلامة جيت امتى

احمد: من ساعتين يدوب خدت دوش وجيت على طول انتى ازبك اخبارك ايه

ظل سيف يراقبها مع هذا الشاب ويراقب ضحكها معه كأنها تعرفه من زمن لم
يستطيع السيطرة على اعصابه اكثر من ذلك قام من مكانه مسرعا نحوها اندهشت
مريهان وكانت تتبادل النظرات مع جومانا

تعالى عاوزك

نور: فى حاجة ياباشمهندس

امسك يدها: قولتلك عاوزك

احمد: ايه يااستاذ مش شايفها واقفة مع راجل

سيف: وانا خطيبها عن اذنك

اخذها بعيدا حاولت ترك يده ولكنه متمسك بها جدا

نور: عايز ايه سيب ايدى

سيف: انتى عارفة انا عايز ايه واقفة مع الراجل ده ليه

نور: وانت مالك خليك فى خطيبتك روحلها لتقلق عليك

ضحك سيف بشدة: طيب ماانا واقف مع خطيبتى اهو

نور: ده بعينك عن اذنك

امسكها بشدة: انا محبش مراتى تسيبنى وتمشى من غير اذن

نظرت اليه: مش انا قولتلك بحبك بقولها لك تانى بحبك وهتجوز هك ايه رايك بقى

نور: ايه غصب ولا ايه

سيف: اه غصب عنك بحبك غصب عنك هتجوزك ومش هتكونى لغيرى لو بقى

اخر يوم فى عمرى واياكى الاقكى مرة تانية بتتكلمى مع حد سامعة انا راجل

عصبى وانتى عارفة مش مسئول عن تصرفاتى

خرجت مسرعة تشعر بحرارة وجهها كانت عيون مريهان تراقبهما وتتمنى ان تقتلها

دخل سيف القاعة ونظر الى نادرو غمز له اتجه الى فكرى

عمو فكرى عايزك لحظة ممكن ونظر الى نور مبتسما خرج معه خارج القاعة

كانت نور على اعصابها عندما راتهم يغادرون القاعة ومريهان تنظر اليها بغل وكره

شديد

كان الجميع منشغلون فى العروسين دخل سيف القاعة بصحبة فكرى الذى كان

مبتسما للغاية عيون سيف اتجهت لنور بفرحة ونور لاتعرف ماذا حدث بينهم

فجأة اتجه سيف الى الدى جى وامسك الميكرفون

ياجماعة لوسمحتم عايز اقولكم حاجة صمت الجميع واعينهم تنتظر سيف وهو
ينظر لنور

نزل ووقف وسط الجميع

ياجماعة انا راجل مریت بحاجة صعبة اوى فى حياتى وكنت خلاص فقدت الامل
انى ارجع اعيش تانى لكن ربنا ارد ان يهدينى هدية تغير حياتى للابد

نور انتى كنتى النور اللى نور حياتى من جديد خلتنى احب الدنيا عرفتنى ان الدنيا
متساوش يوم واحد تبعد فيه عن حبيبك وانا واودام الناس دى كلهانور....
بحبك يانور بحبك

ادمعت عينيها بشدة وارتفعت اصوات التصفيق الحاد من الجميع اكمل سيف
نور..... تتجوزينى

احست انها ستفقد وعيها والكل حولها سعيدا ومنبهرين بسيف اقترب منها وجثا
على ركبتة امامها

..... نوربحبك تتجوزينى

ادمعت عينيها مرة اخرى وتنظر للكل حولها لم تسطيع الرد

سيف: نور تتجوزيني

اخيرا تماكنت اعصابها :اه

سيف: اه ايه

نور: موافقة

فتح سيف علبة صغيرة :تسمحى البسهولك

نظرت لوالدها اوما اليها مبتسما

مدت يدها البسها الخاتم وقبل يدها امام الجميع

الحلقة الحادية عشر (فرحه عمري)

لايوجد فى العالم احساس ان تعيش مع من احببت من بعد عذاب فراق وفرقة

ايام مضت وبدات تجهيزات خطوبة نور وسيف الذى اراد ان يكون زفاف ولكن

فكرى والد نور رفض فكرة الزفاف واشترط ان يتم الزفاف بعد ستة اشهر

فى قاعة بسيطة وجميلة كانت حفلة الخطوبة نور ترتدى فستان بلون البيج المطرز
برقة ونعومة وحجابها بنفس اللون مما زادها جمالا فوق جمالها وسيف ببذلتة
السوداء التى اضافت عليه وسامة اكثر

يدخل القاعة الحبيين ممسك بيدها كانه يخاف ان تباعد عنه

يجلس العروسين وسط فرحة الجميع يشاور سيف لخالد يهمس له ويذهب للدى
جى

نور: بتقوله ايه

سيف: حاجة سر مش هقولك عليها

نور: براحتك ياسيدى دلوقتى هعرف برضه

سيف: طفلة والله

نور: اممم مش عجبك

امسك يدها وقبلها :والله عجبني برضه

نور: سيف خلاص بقى الناس هتتفرج علينا

سيف: مليش دعوة بحد انا مليش غير واحدة بس موجودة هنا

نور: بخبث: هي مين قولى موجودة هنا

اشار سيف على قلبه وعينه: لا موجودة هنا وهنا

فجأة ارتفع صوت الدجى: العروسين يتفضلوا هنا

لما النسيم

لما النسيم يبعدي بين شعرك حبيتي بسمعه يقول آهات

وعطورك الهادية اللي دايرة فيكي كل ما تلمسك..... بتقول آهات

عائزانی لیه لما تقولیلی بعشقلک ما اصرخش واملی الکون آهااااااات

يا نجمة كل ما ضيها يلمس حجر يعلي ويتحول قمر

بكتب حروف اسمك بحبات الندى على كل اوراق الشجر

مين اللى يقدر يعشقك قدي انا

مين اللي يقدر يوصفك زي انا

يا حلم نفسي تحلمه كل القلوب

یا اعلیٰ احساس شدنی خلانی ادوب

خلائی احساسی بشر

عایزانی لیه لما تقویلی بعشقلک ما اصرخش واملی الکون آهااااااات

همس لها عرفتى كنت بقول ايه لخالد

كانت تشعر كأنها فى عالم اخر لا احد به الا هما لا تريد احج غيره لا تريد ان تفترق
عنه ابدا

نور: تعرف انا بحب الاغنية دى اوى

سيف: وانا حبتها ساعة ماشوفتك لأول مرة ساعتها حسيت انها انتى كل كلمة كانت
عشانك انتى نور

نور: ها

سيف: بحبك

اكمل رقاصتهم توقفنا الاغنية وهما على حالهم

خالد: ياعم الحبيب خلاص الاغنية خلصت

سيف: انت دىما بتيجى فى اوقات غلط

ضحكت نور بشدة همس لها سيف: الضحكة دى متطلعش تانى غير عشانى
سامعة

ابتسمت نور واومات براسها

بدات الاغانى والشباب يتراقصون مع العروسين على انغام الموسيقى

جلسا قليلا يستريحون دخل القاعة فجأة رجل كبير ذو هبة يظهر عليه الشراء
الفاحش اتجه الى سيف مباشرة وسط رجاله الذين يحيطونه راه سيف قادم اعتدل
في جلسته وكله ثقة في نفسه

سيف: عزت بيه سليم اهلا اهلا نورت

عزت: مبروك يا عريس مش كان المفروض تعزمنى ولا ايه

سيف: معلش بقى انا قلت اكيد ماهى هتقولك عشان كده انت جيت

اشار عزت بيده على نور

عزت: بقى دى احسن من بنتى ياسيف دى انت متعرفش هى بنت مين ولا ايه

سيف: لا عارف كويس هى بنت مين انت اللى نسيت انا مين وممكن اعمل ايه ومن
الاخر بنتك معدتش تلزمنى كانت غلطة غلطتها وصلحتها تانى وياريت منفتحش
فى اوراق اتقفلت عشان ملوش لازمة واللى مش عجبك دى بعشرة من عينة بنتك
المحترمة اللى نسيت تربيتها وانت بتجمع فلوسك

عزت: بقى كده ياسيف ماشى انت الجانى على نفسك وتركهم وغادر

كل هذا ونور صامته حتى غادر

سيف: حبيبتى اوعى حاجة تزعلك ده راجل غاوى منظره مش جاى زعلان على بنته
ولا حاجة لا جاى يفهمنى انه اقوى منى بشوية الرجالة اللى حواليه بس ولا يهملك
ياقلبى

نور: شكله راجل صعب اوى

سيف: ههههه لا متخافيش هو ده العادى بتاعه

نور: مانا مش هخاف وانا معاك

مال سيف فى جلسته ونظر لعيناها مباشرة: يعنى مطمئنة وانتى معايا

لم يكمل حديثه خالد: سيف ياسيف الشبكة يلا يا عريس

ضغط سيف على اسنانه: انا مش قولتلك انت بتيجى فى اوقات غلط امشى ياخالد
بدل ما اطلعه على جتتك

ضحكت نور مرة اخرى: ايه انا مش قلت بلاش الضحكة دى

نور: ايه ياسيف غصب عنى صعب اوى ابطلها مرة واحدة

سيف: انا مش عايزك تبطلها انا عايزها ليا لوحدى فى بيتنا

احمر وجه نور بشدة: يلا يا سيف قوم

سيف: على النعمة غسل بالخدود اللى شبه الطماطم دى

قاما سويا امسكت سيرين علبة قطيفة زرقاء بها الشبكة ووالبسها سيف لنور ثم قبل
يدها ورأسها

وجد من يمسكه من ذراعه: مش كفاية كده ده انتوا لسه خطوبة ملوش لازمة ده كله
سيف: مين نادورة حبيبي ياابونسب عيب عليك يعني عريس وكده يعني

نادر: اصبر يااخويا كلها ست شهور وتتجوز

سيف: كتير والله ست شهور ماتكلم الحاج يخليه الشهر الجاي

نادر: ولا اعرفه ولا عمرى شوفته مع نفسك ياابو نسب

سيف: ماشى ماشى مردودالك ياباشا

على الجهة الاخرى: نرمين شقيقة نور

الف مبروك يانور مبروك يا حبيبتى

نور: الله يباركى يانونو وعقبال ماتقومى بالسلامة

على الجهة الاخرى: عبد العزيز: انا مش فاهم ليه صمتت ان الفرح بعد ست شهور

فكرى: ياعبده افهمنى سيف راجل عدى بمحنة شديدة ونور وقفت جنبه وسيف
مممكن يكون حاسس انه بيحب نور بس مممكن احساسه ده من وقفته جنبه اعجاب
يعنى مش حب اللى يخليهم يتجوزوا فاهمنى

عبد العزيز: فکری انا عارف ابني کویس سیف مش من النوع ده مادام قال عايز
اتجوزها يبقی عايزها مش رد جمیل ولا حاجة طب على الاقل كتب كتاب يبقی
دخوله وخروجه معاها عادى

فکری: وانا مش عايز دخول وخروج یقابلهما عندى فى بيتى واودامى مش كفاية انهم
بیشغلوا مع بعض

عبد العزيز: ايه ياراجل دماغك دى حد لسه بیفکر کده

فکری: یاعم انا دماغى کده وانا شایف انى صح وصح جدا کمان

الحلقة الثانية عشر (كفا فراق حبيبتي)

الحياة ليست ملك لاحد لا فرح يدوم ولا حزن يدوم

اليوم موعد زفاف فارس وجومانا التي اصرت انا يقام في افخم فندق في مصر

وارتدت اغلى فستان زفاف من افضل بيوت الموضة وكانت جميلة بحق

سيف لم يترك نور رغم انشغاله بضيوفه حاول البقاء معها دائما

سيف: حبيبتي مش عايزك تزعلي انتي عارفة الضيوف بقى والمجاملات

نور: حبيبي ولا يهتمك انت الكبير لازم واقف مع بابا

سيف: يارب منحرمش من العقل ده

نور: عقل بس

اقترب منها: عقل وقلب وعيون وش....

نور: بس بس كفاية كده روح بابا بينده عليك

تركها وذهب لوالده يقف بجواره في استقبال رجال الاعمال

عبد العزيز: ياسيدى سيب نور شوية وخليك معايا متبقاش لازقة كده

سيف: احم احم ايه يا حاج انا لازقة برضه ماشى مردودالك ياعمونا

الكل منشغل فى الحفل بالعروسين وبعض الاحاديث الجانبية التى لا يخلو منها
اى عرس وجدت نور نفسها وحيدة سيف منشغل مع الضيوف ووالدتها نبيلة مع ام
سيف فضلت ان تخرج قليلا وتعود مرة اخرى عيون كانت تراقبها من بداية الحفلة
حتى اللحظة التى قامت فيها خرجت نور تشتم الهواء بعيدا عن القاعة المليئة
بالناس سمعت صوت خلفها

تصدقى الجو جوهر حر اوى

التفت نور لم تعرف ذلك الشخص لم تعيره اهتمام وابتعدت

على فكرة انا مش بعاكس والله ده انا حتى صاحب سيف انا اسر صاحبه الانتم

لم ترد نور

اسر: طيب نتعرف بس قولتلك صاحب سيف

نور: مدام صاحب سيف جاى ورايا ليه وبتكلمنى ليه اعمله احترام حتى

اسر: ايه ده ايه ده هو انا قولتلك ايه ده كل عشان بقولك نتعرف

نور: عن اذنك انا مش بتعرف على حد

امسكها من ذراعها :مش عيب تسيبي حد بيكلمك وتمشي

نور:احترم نفسك وسيب ايدى بدل ما امد ايدى عليك

اسر:ههههه انتى تمدى ايدك حاجة تضحك بجد

اتاه صوت من خلفه:انا ممكن اكسرلك ايدك لومسبتهاش

التف اسر فوجد سيف خلفه ارتبك وترك ذراع نور التى ذهبت مسرعة بجوار سيف

اسر:ايه ياعم سيف بنهزر بس واضح ان خطيبتك موضه قديمه اوى

سيف:لا حاجة انت لاشوفتها ولا تعرفها حاجة نضيفه مش زى العينة اللى انت تعرفها

اسر:ايه ياعم انا كنت بهزر معاها يعنى

سيف:متهزرش معاها سمعنى يااسر نور دى خط احمر سامع بلاش الاعميك دى سامعنى نور خط احمر

اسر :خلاص خلاص ياسيدى انا اسف يانسة نور عن اذنكم

نور:ايه ده ياسيف انت مصاحب ده ازاي

سيف بغضب:مش صاحبي ولا حاجة كان تبع شلة كده لكن صاحبي لا بس انتى خرجتى من القاعة ليه تخلى واحد زى ده يجي وراكى ويمسك ايدك كمان

استغربت نور: ايه ياسيف اتضايقت من قعدتى لوحدى كل واحد لوحده فى ملكوت
اتخنقت خرجت اشم هوا

سيف: اه بس خليتى واحد زى ده يجى وراكى هيقول سهلة ولوحدها

نور: سيف انا مش سهلة ولا اعرف دماغ الناس عشان اعرف كل واحد بيفكر فى
ايه عن اذنك

امسك يدها: استنى هنا رايحة فين

نور: داخله جوه

سيف: استنى قولتلك انتى مش واقفة معايا

نور: لا معلش محبش حد يقول عليا سهلة عن اذنك

خرجت وتركته يلوم نفسه على كلامته خرج ورائها راها تجلس بجوار امينة ونبيلة
ولا تنظر اليه

فجأة دخلت مريهان القاعة بفستان يكشف اكثرما يخفى فستان احمر بكتف واحد
ويصل اعلى الركبة بقليل كانت تبحث بعيناها عنه راته امامها ذهبت تبارك
للعروسين جلست مع اصدقائها الموجودين جاء اليها اسر واخذ يهمس لها
ضحكت بشدة راها سيف وفهم اللعبة

اسر ذهب خلف نور بتوصية من مريهان ليقعها في شباكها كعادتها مع اي فتاة

اتجه الى نور جلس بجوارها وهي لاتعيه اهتمام

سيف: ماخلاص بقى ميقاش قلبك اسود

نور: مفيش حاجة

سيف: طب عشان خاطرى يارب اموت دلوقتى

نور: بعد الشر حرام عليك ليه كده

سيف: بتخافى عليا اهو امال بتقسى عليا ليه

نور: خلاص بس معنتش تعمل كده تانى مش هديك شيكولاته تانى

ضحك سيف بشدة: بس انا عايز اعمل ايه بقى

نور: خلاص متزعلنيش وانا اديك

كل هذا وعيون ماهى تراقبهم وكلها غضب

ماهى: يعنى معرفتش تعمل معاها حاجة

اسر: لالا دى قطر ماشى ومش همه حاجة معندهاش هزار حاجة صعبة لاشوفى

غيرى

ماهى: لا مينفعش لازم تكمل للاخر والا عقد الشركة مش هيتم

اسر: ماشى ماشى ربنا يستر بقى سيف مش سهل ومحوطها مش سايبها ابدأ

الغيرة تشتعل فى قلب ماهى بشدة: ماشى ماشى ياسيف

يقوم سيف من مكانه ويذهب للدى جى ويهمس له

ينادى اللى جى العروسين ممكن ينزلوا معنا

تبدأ الموسيقى ويبدأ سيف نفسه بالغناء اندهش الجميع وضحكوا بشدة اتجه الى

نور التى كانت لاتصدق عيناها وهو يغنى امسك يدها وبدأ يغنى

خليك فاكرني

وان حس قلبك يوم بقلبي

ابقي زورني

خليك فاكرني

ياللى بجمالك

وبعيونك دول آسرنى

خليك فاكرني

وان حس قلبك يوم بقلبي

ابقي زورني

دا أنت في عينيه

كل اللي ليه

فرحة شبابي بالدنيا ديه

دا أنت في عينيه

كل اللي ليه

فرحة شبابي بالدنيا ديه

اول ماشفتك

لمست قلبي بنظرة واحدة

نسيت جراحه

لقيتك انت اجمل حكايه حب

نسيتي اللي راحه

ما تغيش عني

وخلي قلبك لو ناديتہ يجيلي تاني

الحب كله عمر مر معاك ثواني

دا أنت في عينيه

كل اللي ليه

فرحه شبابي بالدنيا ديه

انتهى الزفاف وبعد يومين سافر فارس وجومانا الى فرنسا لقضاء شهر العسل وسيف
منشغل بعمله جدا وبالذات مناقصة جديدة يتنافس فيها مع شركة سليم والد
مريهان يدخل خالد على سيف الذى انكب على عمله وتحضيراته للمناقصة
الجديدة

خالد: سيف الاخبار ايه

سيف : كله تمام بالرقم ده باذن الله المناقصة هتكون فى ايدينا

خالد: انت عارف سليم داخل بتقله فى المناقصة دى

سيف: ههههه بكره ينزل بتقله وياخد على دماغه

خالد: ايه ياعم بتنتقم ولا ايه

سیف: لالا لا ولا فی دماغی وانت عارف المناقصة دی مش هتفرق معايا اوى بس
انا عايز اكسر مناخيره هو وحبیبة بابا ماهی

خالد: ههههه مش بقولك بتنتقم

سیف: لالا والله بس حركة واقعة اوى بتاعت اسر فاكرة انی مش هفهم الاعمیة تبعته
وراء نور عشان اشوفهم واتخاف مع نور لعبة عیطة اوى

خالد: طیب انا ماشی ورايا سفر بكرة اروح اجهز نفسی واخلص شغلی وانت كمان
خلص ورانا سفر بدری

سیف: ماشی یاخالد بقولك عدی على نور خلیها تیجی عایزها

خالد بخبث: عایزها لیه

سیف: ههههه لا متخافش مش نور یاعم دی بتفتح الباب لو جتنی وانا لوحدی

خالد: تصدق بالله ربنا یبارکک فیها بجد اخلاق مش زی الشلة الفاسدة بتاعتنا کل
حاجة عندهم ایزی

سیف: طب مش ناوی ولا ایه

خالد: قریبا یا صاحبی قریبا جدا

سیف: ملک صح

خالد باستفهام: وانت عرفت منين نور قالتلك حاجة

سيف: هههه لا ياعم بس اخدت بالى من يوم خطوبتنا وعلى طول كده لازق فى
المكتب عيبك انك مكشوف ياخالد

خالد: طب بس متقرش فيها

سيف: ياعم ولا قر ولا حاجة الله يسهله ياعمونا

تركه وغادر وذهب الى مكتب نور

خالد: نور سيف عايزك

نور: طيب حاضر هاروحله اهو

خالد مازال متوقف مكانه ينظر لملك وهى تنظر اليه نور تنظر اليهم وتضحك :ايه
ياخالد مفيش وراك شغل

خالد: ها اه ماانا رايح اهويس عايز انسة ملك فى كلمتين ممكن

نورتنظر لملك الذى صبغ حدودها اللون الاحمر :ماشى ماشى محبش ابقى عزول
عن اذنكم

سيف قام من مجلسه :وانا اقدر معوزش حبيبتى

نور: طب بسرعة بسرعة ورايا شغل

سيف: هههه على طول مشغولة كده

نور: اعمل ايه بقى ورايا حاجات كتير وشكلى هبقى خاطبة الايام دى

سيف: ايه الحاج فكرى عايز يتجوز ولا ايه

نور: لا الحاج فكرى بيفكر بس ينفذ لا عندنا الحاجة نبيلة حرمة يفكر ويقول
ياجواز تانى

سيف: امال مين يام اللماضة

نور: ماشى ماشى لولا بس انك زى اخويا مكنتش هقولك

سيف: نعم نعم اخوكى مينين بقى او مال اللى فرحهم كمان كام شهر مين

نور: ولا اعرفه انت هتتجوز ولا ايه

اقترب منها سيف: تحبى اقولك هتجوز مين

نور: خلاص خلاص عرفت عايزنى ليه بقى

سيف: قوليلى اول هتبقى خاطبة لمين

نور: لا مش هقولك خلى العمدة يقولك فاكرا اللعبة دى

سيف: يابت انتى بطل شغل عيال كل حاجة عندك لعب وهزار

نور: اه طبعا وانا اكشر ليه خلىنى اعيش طفلة واموت طفلة

سيف: حبيبتى بعد الشر عليكى معنيش تقوليها تانى عشان خاطرى

نور: حاضر ياسيدى قولى بقى عايزنى ليه

اتجه لمكتبه وامسك بملف الصفقة :حبيبتى عارفة هسافر بكره اسكندرية انا
وخالد عشان شغل فى الميناء عايزك بكره تروحي العنوان ده تسلملى الملف ده
لمكتب المناقصات عشان بكره اخر ميعاد

امسكت نور الملف:حاضرر حبيبي حاجة تانية

سيف:هو فيه

نور:باى حبيبي شكلك فاضى

ابتسم سيف تركته وغادرت اليوم التالى ذهبت لمكتب المناقصات قدمت الملف
المطلوب وبعد عدة ايام كان سيف فى مكتبه يراجع اوراق عمله يدخل خالد اليه
مسرعا غاضبا

سيف:ايه ياخالد مالك فى ايه

خالد:شركة سليم خدت المناقصة

سيف: ايه مستحيل مستحيل انا عارف احنا اقل من السوق ب5 فى المية يبقى ازاي
انت بتهزر

خالد: ابدا والله انا لسه جاى من هناك وعرفت كل حاجة

يضرب سيف على مكتبه بغضب: ازاي ازاي

فجأة تدخل ماهى تتمايل بخطوتها يراها سيف يقف بكل غضب العالم:

جاية ليه جاية تشمتى فيا مش كده

ماهى: ههههه اشمتم عيب يايبى انا اقدر انا جاية بس اعرفك عدوك من حبيبك

سيف: اه طيب انتى عدوى وانا عارف مين حبيبى

ماهى: توتو انا غلط اعكس تعرف مين حبيبك ومين عدوك

سيف قصدك ايه

دخلت نور فى نفس اللحظة وجدت ماهى مع سيف وخالد

ماهى: هااى نور مجتيش تاخدى بقية فلوسك ليه

نور: فلوس فلوس ايه

ماهى: توتو حبيبتى لازم سيف يعرف

اصل يابيسى نور جبتلى الملف بتاع الصفقة بتاعك وخذت منى مية الف جنييه

نور: انتى بتقولى ايه انتى مجنونة

سيف: اخرسى يا كذابة مش هى اللى تعمل كده مستحيل

اخرجت ماهى ملف من حقيبتها: مش ده صورة من الملف بتاعك انت طبعا عارف

الرقم اللى انت حطيته مضبوط

تناوله سيف وقرا الرقم وتاكد انه هو لم يتمالك اعصابه جلس فوق كرسيه وهو

لا يصدق اقتربت منه نور تبكى

سيف والله كذابة محصلش محلصش

سيف: او مال جابت الملف منين انطقى

نور: والله ما اعرف انا ووديته زى ما قولتلى

قام من مكانه: اه ووديته ليهم قبل ما توديه مش كده

نور: ابدا والله ما حصل محصلش

ماهى: عيب يا نور اخص عليكى الكذب حرام

نور: اخرسى انتى يا كذابة

صفعها سيف على وجهها: اخرسى انتى الخاينة ليه ليه يا نور عملتى كده ليه ليه انا
محبتش غيرك انتى انتى تعملى فيا كده ليه ليه

قلبها ينزف دما من جرحها من سيف: انا مش هدافع عن نفسى انا مش خاينة
سمعنى انا مش خاينة امسكت اصبعها وقلبها يولمها بشدة

وادی دبلتك معدتش تلزمنى

نظر اليها وهو لا يصدق عينه تركته وغادرت وهى تبكى بكاء عمرها على المها منه
وفراقهم مرة اخرى

الحلقة الثالثة عشر (غدر الاحباب)

اسرعت نور الى منزلها تبكى بحرقة دخلت الى غرفتها راها والدها ذهب خلفها: نور
مالك افتحي

نورمن وسط بكاؤها :مفيش يابابا لوسمحت سيبنى شوية

فكرى:افتحي يانور افتحي

نور:عشان خاطرى يابابا سيبنى دلوقتى

فكرى بصرامة: قلت افتحى ودلوقتى حالا

خرجت نور لوالدها باكية فزع اصاب الاب ان يكون حدث لها مكروه

فكرى: فى ايه مالك بتعيطى ليه

نور: مفيش يابابا مضايقة شوية

فكرى: من ايه قولى يابنتى

لم تستطيع تحمل اكثر من ذلك ارتمت فى احضان والدها تبكى بشدة

فكرى: فى ايه يانور فى ايه متقلقينش يابنتى

نور: هقولك يابابا

قصت عليه كل شئ من البداية وهو يسمع بذهول لايدرى ماذا يفعل وهو يعرف

ابنته جيدا ولا يمكن ان تكون هى من يفعل ذلك

فكرى: نورافتكرى كويس تكونى سيبته مع حد ولا حاجة

نور: ابدا والله يابابا محصلش وانا عارفة انه مهم اوى ازاي اسيبه مع حد

فكرى: وانتى ناوية على ايه

رفعت راسها تفكر :هقولك يابابا

فى فىلا سىف يسكن صامتا لاىدرى بالعالم من حوله كيف لنور ان تفعل ذلك
اىمكن ان اكون خدعت فىها لا لاىمكن ولكن من وكيف قاطعه دقات الباب

سىرین:سىف تعالى انزل بسرعة

سىف:مش عايز اشوف حد ولا اكل ممكن تسيبوني لوحدى

سىرین:لا لازم تنزل عمو فكرى تحت

سىف:اياه فكرى ونور معاه

سىرین:لابس شكله مضايق اوى انزل بقى بابا قاعد معاه تحت

نزل سىف لمقابلة فكرى وماانا دخل وجد علبة قطيفة يعرفها جيدا انها علبة شبكة
نور

سىف:السلام عليكم ورحمة الله

الجميع:وعليكم السلام ورحمة الله

عبد العزيز:هسيبكم مع بعض شوية

سىف:ازيك يا عمو

فكرى:بخير ياسيف امسك دى امانة كانت ليك عندى

انقبض قلبه وهو يمسك علبة الشبكة:عمو افهمنى انا

فكرى: بنتى مش خاينة ياسيف مش نور اللى تعمل كده بنتى عمرها عينيها مليانة
عمرها مابصت لفلوس مش نور ياسيف وانت عارف كده كويس

سيف: ياعمى اعذرني نور الوحيدة اللى خدت الملف حتى خالد ميعرفش الرقم
يبقى ازاي قولى

فكرى: ملوش لازمة الكلام كل شئ قسمة ونصيب ياسيف

تركه وغادر وسيف لم يتحرك فهاهو يفقدها للمرة الثانية ويمكن ان يكون للابد
حاولت نور ان تعود كما كانت ولكن بداخلها جرح غائر من الصعب شفاؤه مرة
واحدة قررت ان تبحث عن عمل حتى تنسى ماقد كان

بالفعل ذهبت لاستاذها دكتور محمد مرتضى فهو يملك واحدة من افضل مكاتب
الديكور رحب بها كثيرا كانت تخاف من لقاء ابنه حسام

ولكن عليها ان تنسى الماضى وهى تعرف جيدا كيف تحمى نفسها

بعد حوالى شهر تقدم خالد لملك لطلب الزواج

ذهبت ملك وفريدة الى نور لتعلمها بكل شئ

ملك: نور حبيبتى صدقيني والله انا كنت عايزة ااجل شوية بس خالد مرضاش

نور: انتى يابت عبيطة تاجلى ايه عايزة الراجل يهرب انتى مجنونة

ملك: نور مش هتيجي

نور: اعذريني يا ملك صدقيني مش هقدر

فريدة: ليه بس يانور والله سيف بيحبك متعرفيش بقى عامل ازاي من يوم ماسبتو
بعض اسالي ملك كده

ملك: اه والله يانور شكله بقى كئيب وعصبي بزيادة ومش طايق حد

نور: يا جماعة متخافوش بكره الست مريهان تنسيه كل حاجة

بعد عدة ايام تمت خطوبة خالد وملك فى حفل عائلى بسيط

كان سيف ينتظرها ان تاتي ولكن دون جدوى لاحظته خالد

مش هتيجي

سيف: هى مين

خالد: اللى عينك هتطلع وانت بتدور عليها مش هتيجي

سيف: لالا بيتهيا لك مش بدور على حد

خالد: ممكن برضه

فى احد الايام كانت نور فى مكتبها رن هاتفها وجدتها ملك

ملوكة حبيبتى ازيك يا عروسة..... ايه صوتك ماله..... ايه امتى لا اله الا الله

طيب طيب انا جاية اهوو لامش هتاخر سلام

لملمت اشياؤها وجدت حسام ابن صاحب الشركة: ايه يانور رايحة فين

نور: معلش يا حسام حصل حالة وفاة ولازم امشى

حسام: ياسا تر يارب مين

نور: مامة فريدة صاحبتى

حسام: ايوه ايوه البنت السمرا

نور: ايوه عن اذنك

حسام: طيب استنى اوصلك

نور: لا معلش معايا عربية

حسام: لا ازاي ده واجب استنى هروح بعربيتى وانتى بعربيتك بس همشى وراكى

عشان معرفش المكان

نور: ملوش لازمة يا حسام مش عايزة اتعبك

نظر اليها بحب: تعبك راحة يلا يلا اتفضلى اودامى

ذهبت نور سريعا الى منزل فريدة ومان دخلت حتى وجدت سيف امامها مشاعر
كثيرة مختلفة اشتياق غضب فرح حزن فاهو حبيبها امامها ولكنه لم يعد حبيبها
سيف كان مشتاق لرويتها بشدة ولكن كل ذلك اختفى عندما رأى حسام بصحبة
نور

خرجت ملك تبكى حتى وجدت نور: نور الحقى فريدة مبهدة نفسها ادخلى حاولى
تهديها دخلت نور لفريدة وتركت حسام مع سيف وخالد
عرفتهم ملك على بعضهم نظرات استفهام بين سيف وحسام فكل منهم يريد ان
يعرف صلة الاخر بنور

فجأة سمعوا صوت صراخ من الداخل جروا جميعا تجاه الغرفة وجدوا فريدة تمسك
بسكين وتحاول قتل نفسها ونور تحاول منعها

نور: فريدة اهدى يا حبيبتي كده حرام انتى كده بتعذيبها

كانت تبكى بشدة: انا اللى قتلتها يانور انا اللى موتت ماما يانور انا

نور: لا يا حبيبتي ده قضاء ربنا هاتى السكينة يا فريدة هاتى يا حبيبتي

فريدة: لا لا يانور هموت مع ماما

اقتربت نور بحذر صرخ بها سيف: نور ارجعى

نظرت اليه للحظات وعادت لفريدة: حبيبتي هاتي السكينة

فريدة متمسكة بالسكينة حتى اقتربت نور منها امسكت نصل السكينة بهدوء

خلاص يافريدة خلاص يا حبيبتي

صرخت فريدة بشدة وهي تسحب السكين التي جرحت يد نور

سيف: نور حاسبي اسرع اليها ووضعه منديل على كفها نظر لعينها للحظة ورجع

للخلف مرة اخرى وحسام يراقب كل تصرفات سيف بغضب وحزن

صفعتها نور على وجهها

خلاص قلت خلاص اسكتي حرام عليكى حرام

القت فريدة بنفسها فى حضن نور ثم نظرت لها: نور سمحيني ده ذنبك يانور

ذنبك انتى

علامات استفهام اتنقلت للجميع وهم لا يفهمون شئ ماذا تقصد بكلامها انتهت

مراسم العزاء وونور وملك لا يفارقون فريدة الا عند النوم يتركانها مع خالتها الارملة

مر على وفاة والدة فريدة حوالى شهر وفريدة من حال سئ لاسوء

حتى عادت لعملها مرة اخرى حتى تعود لحياتها الطبيعية مرة اخرى

دخلت عليها ملك وعيناها تدمع وحزينة

فريدة:مالك ياملك

ملك:ابدا مفيش

فريدة:ازاى شكلك زعلان اوى ايه خالد زعلك مالك بقى

ملك:سيف سيف يافريدة

فريدة:ماله حصله حاجة

ملك:رايح يخطب الزفتة اللى اسمها مريهان دلوقتى ياحرقة قلبك يانور

صدمت فريدة:انتى بتقولى ايه ونور

ملك:نور خلاص حبيبتى لو عرفت هيجرالها حاجة مش عارفة هتعمل ايه دى

ممك تروح فيها انتى مش عارفة هى بتحبه ازاى

فريدة كالتائهة:عارفة عارفة دى بتعشقه مش بتحبه

قامت فجاة :خالد فين ياملك

استغربت ملك:فى مكتبه ليه

فريدة:هقولك بعدين

خرجت مسرعة دخلت مكتب خالد:خالد قولى فين بيت مريهان سليم

خالد:ايه يافريدة خلاص معدتش ينفع سيف هناك دلوقتى بيقرأ الفاتحة

فريدة:لاياخالد الخطوبة دى مش لازم تتم

خالد:فريدة انا عارف انا نور اكر من اخت بالنسبة ليكى بس.....

فريدة:لاياخالد انت مش فاهم حاجة

خالد:طيب فهمينى

فريدة :تعالى ودينى انا وملك وهقولكم على كل حاجة

فى نفس اللحظة يجلس سيف امام عزت سليم ومريهان

عزت:كويس ياولاد رجعتوا لبعض تانى اهوو

مريهان:وهو انا اقدر ابعد عن سيف ولا ايه ياسيف

سيف بتهكم :اه اه طبعاً

عزت:طيب ياولاد نتفق بقى

سيف:على ايه احنا متفقين من زمان

عزت:لالا ياسيف دى خطوبة جديدة يعنى شبكة جديدة ومهر وموخر جديد

سيف: هههه شبكة ايه يا عزت بيه الشبكة موجودة عند ماهى انا مخدتهاش ولا ايه
ياماهى

ماهى: اه بس حبيبي مش هيستخسر فيا حاجة ولا ايه يا سيف
سيف بنفاذ صبر خلاص باذن الله اللى تشوفه

دق جرس باب الفيلا فجأة ودخل خالد بصحبة ملك وفريدة
اندهش سيف: خالد فى ايه

خالد: انتم قريتم الفاتحة

سيف: لا لسه فى ايه

مريهان: ايه يا خالد جايب دول معاك ليه

فريدة: اظن تعرفينى كويس يامريهان

ارتبكت مريهان: لالا معرفكش اه اه شوفتك مع الست نور

فريدة: لا مش مع نوروبس

سيف: فى ايه فهمونى

فريدة: انا هقولك على كل حاجة ياسيف

مريهان:هتقولى ايه اه طبعا الست نور بعثتك عشان تبوظى الخطوبة اوعا اوعا
ياسيف تصدقها دى كذابة

سيف:هى قالت حاجة عشان اكذبها فى ايه ياخالد

خالد:اسمع لفريدة يا سيف عشان تعرف انك ظلمت نور

سيف:نور.... فريدة انطفى اعصابى باظت

فريدة:انا هقولك على كل حاجة..... من حوالى اربع شهور ماما الله يرحمها تعبت
اوى وكانت محتاجة عملية كبيرة تتكلف حوالى مية وخمسين الف جنيه مكنتش
عارفة اتصرف ممعيش المبلغ ده وامى بتموت اودامى فجاة لقيت مريهان جاتلى
البيت ومعرفش عرفت منين بمرض امى عرضت عليها المبلغ مقابل.....

سيف:مقابل ايه اتكلمى

فريدة:مقابل انى اسرق الملف بتاع المناقصة من مكتبك مكنتش عارفة اتصرف
محتاجة الفلوس امى بتموت كل يوم اودامى ومش هالين عليها اعمل كده غصب عنى
وفقت بالصدفة لقيت نور داخله المكتب ومعها ملف سالتها قالتلى ده ملف
مناقصة سيف ادهونى اوديه بكره مكتب المناقصات استغلّيت انها خرجت من
المكتب واخذت الملف صورته ورجعته مكانه تانى وجت مريهان البيت واستلمت
منى الملف

مريهان: كدابة دى كدابة محصلش محصلش اكيد نور بعتهها عشان تقول كده
وتفرقنا تانى ياسيف

فريدة: ابدا والله ياسيف فاكر يوم امى مامات انا قولت لنور ايه
سيف كانه فى كابوس بشع: ايوه قولتى ذنبك فى رقبتى يانور بس محدش فهم حاجة
فريدة: ايوه ذنبها وذنبا انى فرقتم عن بعض انى امى ماتت بسبب الفلوس الحرام
وضعت حقيبة بيدها على الارض وادى الفلوس اهي كاملين اظن نور مفيش معاها
مبلغ زى ده عشان تخلينا نيجى نعمل التمثلية دى عليكم
مريهان: انا هقتلك يافريدة هقتلك

سيف: انا اللى هخلص عليكى لو قربتى منى تانى كفاية انتى عايشة بالشر اللى
جواكى ده ازاي ايه ياشيخة حرام عليكى ذنبها ايه نور تفرقينا عن بعض كفاية بقى
انتى لازم تتعالجى

يلا يا جماعة على فكرة لولا انى فى بيت ابوكى كان زمانك دلوقتى فى المستشفى
عزت: انت بتهددها اودامى

سيف: ياشيخ روح وانت من امتى ليك وجود خليك قاعد زى الكرسي اللى انت
قاعد عليه سلام

الحلقة الرابعة عشر (حبك نصيبي)

نور تجلس فى مكتبها شاردة فى عالم اخر حتى سمعت صوت خلفها

نور..... التفت نور فوجدت فريدة خلفها

نور: فوفو حبيبتى ازيك وحشتينى معلىش يافريدة قصرت معاكى

فجأة وجدت سيف يدخل وراء فريدة اندهشت ولم تفهم ماذا يحدث

نور: هو فى ايه

سيف: نور اسمعى فريدة وسامحينى يانور سامحينى

نور: فى ايه فريدة انا مش فاهمة حاجة

فريدة بخجل حزين: ممكن تسمعينى يانور

نور: اتفضللى

قصت عليها فريدة كل ما حدث من البداية للنهاية ضحكت نور بشدة

معقول معقول یاسیف تخلی فريدة تقول كده على نفسها عشان نرجع لبعض لالا
ليه يافريدة تقولى كده على نفسك سمعتى كلامه ليه

نظرت فريدة لسيف: نور انا اسفة سامحيني غصب عني والله يانور غصب عني

تضحك نور مرة اخرى: يافريدة حرام عليكى بلاش هزار

سيف: نور افهمى فريدة مش بتهزر هو ده اللى حصل

ضحكت بهيستريا: لالا ياسيف بلاش فريدة اصلى مش هصدق شوف حد تانى

وفجأة بكت وبشدة وامسكت فريدة من ذراعها: ليه ليه يافريدة ده انتى اقرب حد

ليا انا اول

ماحيته جيت عليكى وقولتلك مكنتش بشتكى غير ليكى ده انا من حبي فيكى

خطبتك لاخويا ماانا معنديش غيرك ليه يافريدة ليه تدبحيني ده انتى كنتى روحى

اللى بشتكيلها سندی لو تعبت تغدرى بيا ليه ليه

سيف: نور اهدى فريدة غلطت بس اعترفت وحقها عليكى تغفرى

نور: اغفر اغفر ليه وانت انت ياباشمهندس مغفرتليش ليه وانا اصلا مغلطتش ليه

مسمعتنيش ليه صدقت ماهى عارف ليه لانك محبتنيش اصلا لو كنت حبتنى

مكنتش تصدق اى كلمة عليا كنت وقفت ضد العالم كله وقلت دى متعملش كده

بس انت حببت تثبت رجولتك مديت ايدك عليا عشان تشبع غرورك مع ان
الصفقة دى مكنتش مهمة عندك بس غرورك اللى خلاك تمد ايدك عليا

سيف: كفاية يانور حرام عليكى انا غلطت ربنا بيسامح انتى مش هتسامحى

نور: انا مش ربنا انا بنى ادمه اتغدر بيها من اعز الناس واقرب الناس صح يافريدة
صح

تبكى فريدة بشدة: نور عشان خاطرى سامحيني كنت فاكرة انى ممكن اعالج امى
ملقتش حد ممكن يساعدنى حطى نفسك مكانى كنت هتعملى ايه

نور: مكنتش هخون صاحبتى

تركتهم وغادرت مسرعة وهم خلفها وصلت الى باب العمارة امسكها سيف: نور
اسمعينى انا بحبك غلطت فى حقك وبطلب منك تسامحيني

نور: متطلبش منى حاجة مش هقدر عليها

سيف: لا يانور انتى بتحبينى انا متاكده

نور: لكن انت محبتنيش انا منفعكش ياسيف دور على واحدة غيرى تناسبك
وتناسب مستواك

سيف: لا يانور انا مش عايز غيرك انتى ومش هتكونى لحد غيرى سامعة

ظلت نور بعيدة عن العالم باكملة تتذكر غدر فريدة تبكى واحيانا تلتمس لها العذر
فيما فعلت دقائق على باب غرفتها

نور: ياماما مش جعانة

نبيلة: افتحي يانور دى فريدة يا حبيبتي

انتفضت من مكانها اترفض مقابلتها ولكن ماذا ستبرر موقفها لوالديها فهم للان لم
يعرفوا شئ قامت وفتحت باب غرفتها

نظرت لفريدة التى يظهر على وجهها الارهاق الشديد

نبيلة: كده يانونو شوفتي فريدة البت دى مش بتاكل ولا ايه او مال هتعملى ايه فى
الجواز الراجل الست الشديدة مش الهفتانة زيك كده

نور: ادخلى دخلت فريدة وتركتهم الام بمفردهم بكت فريدة بشدة وارتمت فى
حضن نور التى اشفقت على حالها واحتضنتها

نور: خلاص بقى بدل والله اروح اجوز الواد نادر وانتى تعنسى

فريدة: سامحيني يانور عشان خاطرى

نور: خلاص يا فريدة اللى حصل حصل معدتش ينفع عتاب دلوقتى

مسحت فريدة دموعها: طيب وسيف

نور: سيف خلاص انتهى من حياتى

فريدة: بتضحكى على نفسك ولا عليا هو انا مش عارفاكى ده انتى بتموتى فيه

نور: كان زمان دلوقتى كل اللى جوايا عذاب وجرح من ظلمه ليا

فريدة: نور سيف بيحبك والله

نور: اه بامارة انه راح يخطب ماهى مش كده

فريدة: بصى ساعات الواحد ببقى زى التايه وهو بصراحة لما شاف حسام معاكى

افتكر ان فى حاجة بينكم

نور: حسام يعنى برضه بيتسرع ومش يفكر ولا بيسال عشان يتأكد

فريدة: خلاص بقى يانور هو انا مش عارفة انك نفسك يجى دلوقتى وتشوفيه

سكتت قليلا : خلاص يبقى يستحمل اللى هعمله

فريدة: ايه يا حضرة المفتش كرومبوهتعملى ايه

نور: متخافيش كله بوقتته

يجلس فى مكتبه شاردا يحاول ايجاد طريقة حتى تعود اليه نور مرة اخرى فى لحظة

امسك الهاتف

سيرين حبيبتى..... عايزك تروحى لنور..... اه ماانا هقولك مش انا اخوكى
حبيبك روحيلها وكلميها ياسوسو.....لالاالنهاردة عشان خاطرى ماشى
هستنى منك تيلفون

بالفعل ذهبت سيرين الى مكتب نور اصطدمت بشخص

سيرين: انا اسفة

الشخص سرح قليلا فيها :لالا انا الى اسف حضرتك عايزة مين

سيرين بخجل من نظراته:عايزة نور نور فكرى

الشخص:اه اه اتفضللى

اوصلها الى مكتب نور التى مان راتها قامت اليها تحتنضها

نور:سيرين حبيبتى وحشتينى اوى

سيرين:وانتى كمان يانور وحشتينى اوى

التفت نور للشخص فانه حسام:اعرفك باشمهندس حسام صاحب الشركة

سيرين :اهلا وسهلا تشرفنا

حسام وهو مازال هائما:اتشرفت يانسة سيرين مش انسة برضه

نور تنقل نظرها بينهم مبتسمة:اه انسة

حسام: طیب اسیبکم انا بعد اذنکم

سیرین: افضل

وما ان خرج :ايه الواد الموز

نور: بت اٹھلتی عیب

سیرین: لالا بصراحة واد امور اوی

[illegible]

سيرين: لا مش للدرجة دى سيبنى بقى اقولك انا جاية ليه

نور: یعنی جایۃ لحاجۃ مش عشان وحشاکی

سیرین :والله وحشانی بس البوص الكبير قعد یترجانی ویستسحملی انی اتنازل

واجيلك عشان اصالحكم على بعض

سکت نور قلیلا: لا یاسیرین مش هینفع

سیرین بحزن :لیہ یانور ده سیف بیحبك واللہ متعرفیش حالتہ عاملہ ازای

نور: اه بامارة خطوبته من الست ماهی مش كده

سيرين: وانتی عرفتی منین فريدة ولا ملك

نور: لا دی ولا دی هی نفسها طلبتنی عشان تقولی وتحرق دمی بس ربك بقى
حرق دمها هی

سیرین: طیب خلاص بقى سامحی سیف عشان خاطری

نور: لو کنتی مکانی کنتی هتعملی ایه

سیرین: بصراحة کنت هدیلہ درس یطلع من نفوخه

ضحکت نور ورجعت بکرسیها للخلف: وهو ده اللى انا هعمله

سیرین: معاك یاریس بس قولیلی هتعملی ایه

نور: اخاف اقولك تروحي تقولیلہ

سیرین: ابدا والله احلفك على مصحف ما هقوله ولا ای حد

نور: خلاص اسمعی هتقولیلہ ایه

سیف متوترا للغاية وهو ينتظر سیرین یاخذ غرفته ذهابا وایابا حتی دق باب غرفته

اسرع وفتحہ دخلت سیرین یبدو علیها الحزن

سیف: اتاخرتی لیہ

سیرین: ابدا مسافة السكة

سیف: ها قالتلك ایه

سيرين بحزن: نور هتخطب ياسيف

صرخ فيها بغضب: انتى بتقولى ايه مستحيل يحصل مستحيل

سيرين: لا ياسيف مفيش مستحيل نور هتعيش حياتها وانت كمان شوف حالك

سيف: مين هو مين

سيرين: واحد اسمه حسام تقريبا صاحب الشركة

سيف: بقى كده يعنى الهانم لحقت ترتب حياتها بالسرعة دى

سيرين: حقها ياسيف مش خلاص سييتو بعض خلاص كل واحد يشوف حاله

سيف: لالا نور بتحبني انا متأكد متأكد

سيرين: مكنتش فكرت تتجوز واحد تانى

سيف: مش هيحصل مش هيحصل

كان يذهب يوميا امام الشركة ينتظرها يراها من بعيد ولم يستطيع الاقتراب منها
فاحيانا بمفردها واحيانا تقف تتحدث مع حسام ويضحكون وتتركه وترحل تجرا
وذهب ورائها توقفت امام منزلها خرجت من السيارة ودخلت منزلها دخل ورائها
وما ان صعدت السلم حتى سمعت صوت من خلفها: نور.....

كانت تعرف الصوت جيدا التفت ببطء ودقات قلبها تزيد

سيف: نور نور اسمعيني

نور: افندم نعم

صعد ليقف امامها :نور حرام عليكى العذاب ده مش كفاية مش كفاية فراق يانور

نور: انت اللى بدات مش انا

سيف: وطلبت السماح ليه مش عايزة تسامحينى ليه

نور: عشان مش انا اللى اخون مش انا اللى ايدك تتمد عليها ياسيف عمرى غالية
وهفضل غالية واللى طلع منك فى ساعة غضب هيتكرر تانى انا مش حمل عذابك
ياسيف

سيف: اعملى اى حاجة بس نرجع لبعض تانى نور نور انا مش قادر اعيش من غيرك
وعارف انك بتحبينى يبقى ليه تعذبى نفسك وتعذبينى معاكى

نور: ومين قالك انى بعذب نفسى بالعكس انا بحميها

سيف: منى يانور منى انا

نور: منك ومن اى حد يحاول ياذيني او يهين كرامتى عمرى كرامتى بالسما وعمرها
ماتنزل ابدا عن اذنك

امسك يدها وقال بغضب: انسى انك تكونى لغيرى سمعانى

افلتت يدها من قبضته: عن اذنك يا... يا باشمهندس

عذاب يعيش فيه وهى بعيدة كثيرا مايتخيلها مع حسام ينفذ راسه كانه يطرد افكاره
يشعر بمرارة كلما يتخيل ان تكون لحسام دخلت عليه سيرين مسرعة

سيف قوم بسرعة

سيف: فى ايه يا سيرين

سيرين: نور نور ياسيف

قام بسرعة: مالها فى ايه انطقى

سيرين: حسام هيروح يقرأ الفاتحة النهاردة

ارتمى بجسده وادمعت عينيه :مين قالك

سيرين: ملك كلمتنى وقالتى انت هتسكت يا سيف مش معقول

سيف: والمفروض اعمل ايه مش هيا عايزة كده

سيرين: سيف من امتى وانت ضعيف عمرك بتواجه مش بتخاف

قام غاضبا: انا انا اخاف

سيرين: ما هو هتسيب نور تتجوز غيرك وانت واقف مكانك

صمت قليلا يفكر ثم انطلق خارج الغرفة بل والبيت ايضا

ذهب الى مكتب نور اصطدم بحسام

حسام: نعم حضرتك عايز مين

سيف بتحدى: عايز خطيبتى

حسام: خطيبتك خطيبتك مين

سيف: نور عندك مانع

حسام: اه طبعا عندى موانع نور خطيبتى انا مش انت

سيف: اخرس خالص نور ملكى انا بتحبني انا انت ملكش مكان احسنلك ابعد

لأنك هتخسر كثير

حسام: ههههه مين اللى هيخسر انت اللى خسران خلاص انا ونور هنتجوز

سيف: ده على جشنى

تركه وذهب لغرفة نور صرخ فيها: نور

نور: سيف فى ايه جاى هنا ليه

سيف:جای اخذك من هنا هتمشى معايا ودلوقتى

نور:بتقول ايه فى ايه

اقترب منها:فى انك مستحيل تكونى لغيرى سامعة يلا يلا نمشى من هنا

حسام:ايه ياباشمهندس مفيش احترام لصاحب الشركة ولايه

سيف:انت تخرس خالص سامعنى

التف الى نور:يلا يانور يلا نمشى من هنا

نور:سيف مينفعش

سيف:يعنى ايه مش عايزانى مش عايزة سيف حبيبك

حسام: ايه يامعلم حبيب مين متنساش انك بتكلمها اودام خطيبها يعنى اعملى

احترام

تجاهله سيف:نور قوليله يانور انى انا حبيبك مش هو انا يانور انطقى

حسام:هتقول ايه ماخلاص ردها واضح

اتجه سيف لحسام ولكمه فى وجهه:اسكت خالص

اشتد الصراع بين سيف وحسام امام العاملين تركتهم نور وخرجت مسرعة تبكى

خرج ورائها سيف

نزلت الشارع تبكى لحقها سيف امسك ذراعها: نور اسمعيني نور انا بحبك يانور
كفاية كده

نظرت اليه للحظات: وانا محبتش غيرك

تغيرت ملامحه من الغضب والحزن الى فرحة وتعجب: قولتى ايه

نور: قلت محبتش غيرك ولا هحب غيرك

ضحك سيف بشدة: يعنى يعنى مش هتسييني يانور عايزانى

اومات براسها

سيف: حرام عليكى وليه العذاب ده كله

نور: انت السبب لو كنت بتتفاهم من غير عصبية وتسرع مكنش حصل كل ده

سيف: انا اسف يانور حقك عليا يا حبيبتى حقك عليا

نور: خلاص خلاص عفونا عنك

سيف: وليكى نفس تضحكى بعد اللى عملتيه فيا

نور: حقى عشان تبطل عصبيتك ده انا كنت هسوق فيها بس صعبت عليا

فجأة لمح سيف سيارة مسرعة من خلف نور وقائدها يمسك مسدس يصوبه الى

نور

فى لحظة انقض على نور يبعدها عن السيارة وصرخ بها

نور ابعدى ابعدى

انطلقت الرصاصة ووصلت لهدفها ولكنه ليس الهدف المطلوب

الحلقة الخامسة عشر (فرح بعد عذاب)

لقى سيف بجسده على نور يحجزها عن الرصاصة ولكنه اخترقت جسده هو غادرت السيارة بأقصى سرعة وتجمع الناس حولهم ونور تبكى بشدة وتحتضن سيف اسرع اليها حسام

نور انتى كويسة

نور من وسط دموعها :سيف يا حسام سيف هيروح منى

حسام:متخافيش يلا يا جماعة على العربية مش هنستنى اسعاف نقلوه لسيارة حسام ونور تحتضن راسه وتبكى وتتضرع الى الله ان يحميه

وصلوا الى المشفى انزلوه بسرعة ونور ممسكة بيده وهو متشبث بيدها بضعف تم نقله الى غرفة العمليات سريعا

بقت نور مع حسام تبكى بشدة لم تشعر بمن حولها حضر الجميع الى المشفى وسيف مازال فى غرفة العمليات حتى خرج الطبيب

اسرعت اليه نور:سيف سيف فين

الطبيب: يا جماعة الاصابة كانت شديدة الحمد لله قدرنا نستطيع عليها بس المشكلة
انه محتاج نقل دم وفصيلته مش موجودة هنا دلوقتي

خالد: فصيلته ايه يادكتور

الطبيب: فصيلته +a وللاسف مش موجودة دلوقتي

نور بسرعة: انا نفس الفصيلة

الطبيب: كويس حضرتك بتعاني من اى امراض يعنى ضغط سكر

نور: لالا مفيش حاجة من دى ممكن تاخدنى بقى

الطبيب: اه طبعا اتفضللى

ذهبت نور وبداءوا باخذ اكياس الدم المطلوبة

الطبيب: انسة نور كفاية كده اكر من كده هياثر عليكى

نور: يعنى ايه هو لسه محتاج دم

الطبيب باسف: بصراحة ايوه نرف دم كثير

نور بصرامة: "يبقى خلاص تاخد منى الدم اللى محتاجه

الطبيب: مينفعش هتتعبى جدا ودى مسئولية عليا

نور: مش مهم المهم هو وانا مستعدة اكتب اقرار على نفسى ابوس ايدك اعمل اى
حاجة

الطبيب بحيرة شديدة: حاضر بس ربنا يستر عليكى انتى

اكتمل نقل الدم من نور لسيف الذى مازال فى غرفة العمليات اقتربت امينة من نور
الباكية تضمها الى صدرها بحنان الام

امينة: نور انتى بتحبيه اوى كده

نظرت اليها وخجلت من الرد لكن كل شئ ظهر علنا للجميع نعم تحبه بل تعشقه

نور: والله ياماما معنديش اغلى منه

امينة: ادعيه يانور ادعيه ده بيحبك اوى

نور بكل ثقة وايمان بالله: يااارب

خرج الطبيب مبتسما: الحمد لله عدى مرحلة الخطر

الجميع: الحمد لله

بعد قليل خرج سيف من غرفة العمليات وانتقل لغرفة العناية المركزة وقفت نور

تنظر اليه وتبكي بشدة وتهمس: سيف ارجعلى يا حبيبى قوم ياسيف قوم

سيرين تبكى هى ايضا: نور ارتاحى شوية انتى تعبانة

نور: لا اطمئن عليه اول وبعدين ارتاح

سيرين: حرام عليكى نفسك انتى نقلتيه دم كده غلط هتتعبى

بدات تشعر بدوار :لالا انا انا كويسة

سقطت فجاة مغشيا عليها وسط صراخ وبكاء الموجودين نقلوها لغرفة

فكرى: خير يادكتور بنتى مالها

الطبيب:الانسة نور دماغها ناشفة جدا اتبرعت بكمية دم كبيرة جدا للاستاذ سيف
وده اثر عليها

عبد العزيز:وازاى تسيبها تعمل كده يادكتور

الطبيب مرتبكا:ياحاج دى اصرت وكانت بتعيط اوى غير انها كتبت اقرار على
نفسها وكنا محتاجينه عشان سيف بس ان شاء الله هتاخذ المحاليل وهتبقى كويسة
مر يومين وبدا سيف يستيقظ من نومه العميق كانت امه معه ترافقه باستمرار سمعته
يتحدث :نور نور

امينة:حبيبى حمد لله على السلامة كده ياسيف توجع قلب امك عليك

سيف بوهن:ماما نور نور فين

دخل خالد راى سيف مستيقظا: حمد لله على السلامة ياسيف باشا قلقتنا عليك
ياراجل

سيف: خالد نور نور فين

نظر خالد لامينة: نور بخير كويسة

سيف: لالا نور فين جرالها حاجة ردى عليا ياماما نور فين

امينة: يا حبيبي والله كويسة متخافش

سيف: لا انا هقوم ادور عليها

اسرع اليه خالد: ايه يا ابني انت اتجنت نور كويسة والله بس يعنى

سيف: يعنى ايه انطق يا خالد حصلها حاجة اتعورت

خالد: لا ابدا بس انت احتجت نقل دم وهى اتبرعت بيه بس الكمية كانت كبيرة

اوى تعبت وهى الاوضة اللى جنبك

حاول سيف ان يقوم من مكانه امسكه خالد: سيف بطل جنان اهدى بقى

سيف: اهدى ازاي تسيبوها تعمل كده

امينة: والله يا ابني منعرفش غير لما اغمى عليه الدكتور قال انها كتبت اقرار على

نفسها عشان تتبرع بكمية الدم كلها بس الحمد لله دلوقتى احسن

سيف:طيب اشوفها عشان خاطرى ياامى عشان خاطرى

دخلت سيرين غرفة نور مبتسمة:نور سيف فاق

نور:ايه بجد بجد ياسيرين

سيرين:اه والله وكان عايز يجيلك بس مينفعش هيتعب

قامت نور من مكانها:انا اللى هروحله

سيرين:انتى تعبانة استنى شوية

نور:لا هروحله ان بقيت كويسة

كان سيف عصبى جدا يريد ان يذهب لنور والطبيب يرفض بشدة

سيف:قولتلك بعفيك من اى مسئولية عليكى بس هشوفها وارجع

الطبيب:"استاذ سيف مش هينفع لازم تسمع الكلام انت جرحك خطير مش عايزين

استهتار

سيف:قلت هخرج يعنى هخرج ان.....

قاطعه دقات الباب دخلت نور مستندة على سيرين مانا راها سيف حاول القيام

منعه خالد جرت عليه نوربعيون دامعة:

سيف انت كويس

سيف: دلوقتی بقیة کویس

خالد: احم احم اعتقد المفروض نتطلع بره

سيف: عمرك ذکی یادودو

خالد: ماشاء الله دلوقتی دودو من شوية كان هيرمينی من الشباك

ضحك الجميع وغادورا غرفة سيف وتركوه مع نور

سيف: نور حبيبتی انتی کویسة انتی ازای تعملى كده ازای تتبرعيلی بالدم ده كله
ينفع تتعبی كده

نور: فداك يا سيف مش كفاية كان المفروض اكون مكانك دلوقتی

سيف: لالا یانور حرام عليكی بعد الشر عليكی حبيبتی ده انا كنت اموت

مر حوالی اسبوع وبدات حالة سيف تتحسن ونور لا تتركه الا فی مواعيد النوم

دق باب الغرفة فتحت نور وجدت حسام

نور: حسام اهلا وسهلا اتفضل

اعطاها باقة من الورود: حمد لله على سلامة سيف

نور: الله یسلمك اتفضل

سیف: انت جای هنا لیه ایه مش عرفت ان نور بتحبنی انا جای لیه

نور: سیف ایه حسام ملوش ذنب بصراحة دی لعبة عملتها وحسام ساعدنی فیها

سیف: یعنی ایه بتضحکوا علیا بقی کده

حسام: انا ملیش ذنب والله نور کانت عایزة منی کده ماتتکلمی یانور

ضحکت نور: خلاص خلاص یاحسام هقوله کل حاجة

حسام: ماشی استئذن انا وابقی کلمینی هستنی منك تيلفون الف سلامة یا

باشمهندس

ماان خرج حسام حتی صاح سیف: ایه البجاجة دی کلمینی وهستنی تيلفون

وحضرتك بتضحکی اوی

نور: ههههههه سیف مالک غیران ولا ایه

سیف: اه طبعا ومغیرش لیه مش حقی

نور: طبعا حقك بس اصلك مش فاهم حسام قالك الکلمتين دول بناءا علی

تعليماتي عشان افش غلی منك ومن عمايلك

سیف: بقی کده ارواح انده انا لماهی حبیبتی واتجوزها واحرق دمک

نور: حسسسسسام تعالی حبیبی

جذبها من يدها :مين اللى حبيبك اقوم اقتله دلوقتى يعنى ولا ايه

نور:ههههههه تقتل ابونسب برضه

سيف:مش فاهم

نور:اصل بصراحة عايز يتجوز سيرين بس الحادثة دى اجلت انه يجى ويتقدم

رسمى

سيف:بقى كده طيب انا مش موافق ايه رايك بقى

نور :سيف حبيبي اخص عليك ده حسام ده طيب وابن حلال وسيرين موافقة كمان

يبقى ليه بقى

سيف:انا هوافق بس على شرط

نور:شرط ايه

شاور على خده:بوسة لبابى

نور:ههههه ده بعينك يابابى وبرضه هيتجوزوا

حضر ظابط الشرطة لآخذ اقوال سيف الذى لم يتهم احد بمحاولة قتله

اندهشت نوروماانا خرج الظابط:سيف ليه مقولتش ان ماهى ممكن تكون هى اللى

عملت كده

سيف: انا مش ضعيف عشان الحكومة تاخذ حقى وحقك من واحدة زى دى

نور: يعنى ايه هتعمل ايه

سيف: بكره هتعرفى يا حبيبتى

حريق هائل اصاب شركات سليم قضى على الاخضر واليابس

دخلت السكرتيرة على ماهى فى مكتبها

ماهى هانم الحقى حريقة حريقة

ماهى :ايه فين

السكرتيرة:الفرع الرئيسى كله ولع والمطافى مش عارفة تعمل حاجة

اسرعت ماهى الى المقر الرئيسى وجدت النيران تشتعل من النوافذ

كانت كالمشلوله لم تسطيع فعل اى شئ وهى ترى النار تلتهم كل شئ حضر

والدها :ماهى مين اللى عمل كده

ماهى:معرفش معرفش اكيد هو مفيش غيره سيف اكيد هو

اتاه صوت من خلفها:بالظبط كده

التفت وجدت سيف خلفها نظرت اليه بكره شديد

ماهى: انت انت تعمل كده ليه

سيف: عشان مش انا اللى عيلة زيك تحاول بس تاذيني او تاذى حد منى فهمانى
اما تحاولى تقتلى نور تفتكرى كان ممكن اسكتلك احمدى ربنا انى مبعثش حد
يخلص عليكى ولا يحرق وشك الجميل ده بمية نار

ماهى برعب: ايه انت بتقول ايه انت اتجننت

امسكها من ذراعها: اتلمى ياماهاى احسنلك بدل ما احدفك جوه النار دى وساعتها
ابقى ريحت العالم منك بس بصراحة مليش مزاج اوسخ ايدى بواحدة زيك

ماهى هتندم ياسيف هتندم

سيف: مش انا اللى اتهدد سمعتينى وابقى تعالى فرحى انا ونور حبيبتى

روح قلبى اكيد هتبقى قمر مفيش منها بصراحة الضافر منها بعشرة من نوعية واحدة
زيك باااى ياقطة سلام

عادت العلاقات مرة اخرى بين الاسرتين واستقروا على موعد الزفاف فى خلال
شهر

سيف كان يريد ان يقام حفل الزفاف فى اكبر فندق فى مصر ولكن نور اردات ان
يتم فى حديقة الفيلا بعد تجهيزها بشكل جميل مبهر

واختارت فستان الزفاف جميل وبسيط وبقدر بساطته كانت رفته

وجاء موعد الزفاف الانوار تضيئ الحديقة التى تم تزينها بشكل مبهر وجذاب
بتصميم نور كمهندسة ديكور

ارتدت فستان زفافها الذى زادها جمالا جاذبية وسيف بذلته السوداء الجميلة التى
زادته وسامة

انتهت نور من بين ايدى مصفى الشعر والمكياج كانت جميلة رقيقة بحجابها
وبرفتها فريدة وملك وسيرين لا يتركوها

حان الميعاد وجاء سيف برفقة خالد وفارس

راها تنزل درجات السلم وعيناه تنتظرها نزلت امامه كانها ملاك

امسك بيدها وانطلقوا وسط سيارات الاصدقاء حتى وصلوا الى القصر واصوات
السيارات تتعالى قام الجميع استعدادا للقاء العروسين

ما ان وصلوا حتى ارتفعت اصوات الزفة بصوت يهز القلوب

يمسك بيدها لا يريد البعد عنها التى كانت متمسكة بيده كانها امانها وحمايتها

بدا الحفل برقصة هادئة للعروسين الذين لم يشعروا بالعالم حولهم فرحة يشعرون
بها وهما الان اصبحوا زوجين وللابد

التف حولهم الاصدقاء يتقاسمون معهم الفرحة يشعرون بالسعادة من اجلهم ماعدا
جومانا التى تمتلى بالحقد والغل تجاه نور التى احست انها ستكون ملكة المنزل
بعد زواجها

الحلقة الاخيرة (لن نفترق حبيبي)

انتهى حفل الزفاف وسط مباركات الجميع امسك بيدها المرتعشة ودخل القصر
ومعهم الاسرتين تبادلوا الضحكات فجأة حملها سيف شهقت نور من المفاجأة

حد عايزمنى حاجة يا جماعة سلام عليكم

ضحكات ارتفعت على سيف وهو يحمل نور صعد بها الى الجناح الخاص بهم

نور: سيف نزلنى مينفعش كده

سيف: شششش بس محدش له عندى حاجة مراتى وانا حر ولايه

توقف امام الغرفة وانزلها فتح الباب ودخل ووقف بجوار الباب

اتفضلى مولاتى برجلك اليمين

دخلت نور خائفة ترتعش انتهت على غلق الباب اقترب منها سيف وضع يده على

كتفها: نور حبيبتي نورتي بيتنا

التفت اليه: منورة بيلك انت

سيف: طب تعالى غيرهدومنا ونصلى ركعتين لله

نور: حاضر

دخل غرفة نومهم استحييت ان تبدل ملابسه امامه شعر بذلك امسك بيدها حبيبتي

متخافيش عايزك تتطمنى

نوربتوتر: انا مش خائفة انا كويسة

انتهوا من اداء الصلاة وابدلت ملابسهها بقميص ابيض جميل ورقيق

اقترب منها امسك يدها يقبلها بحب: نور عايز اقولك انك حب عمرى انتى ربنا
بعتك ليا اجمل هدية مش عارف من غيرك كنت هعيش ازاي انا بحمد ربنا عليك
ونفسي اخبيكي جوايا محدش يشوفك ولا يقرب منك غيرى
نور بخجل: حبيبي انا مش هعوز حاجة من الدنيا اكر من كده

اقترب منها اكثر: نور بحبك بحبك يانور

قبلها بحب: لاهو احنا ليلتنا فل ولا حاجة

عاشا سويا اياما جميلة لا عكر صفوهم شئ اراد سيف قضاء شهر العسل باحدى
البلاد الاوربية ولكن نور اقتنعه بان شرم الشيخ اجمل من اى بلد اوربية اخرى
بالفعل سافرا الى شرم الشيخ فهو يمتلك شاليه هناك وقضا اياما جميلة لاتنسى
سيف: نور نور حبيبتى اصحى عندنا شغل كثير

قومي بقى

نور منزعة: شغل ايه ياسيف احنا فى اجازة ولا ايه

سيف: هههههه طيب ماهى شغل برضه حبيبتى يعنى ننزل البحر نتفصح ولا ايه

قامت واقفة على السرير: اذا كان كده ماشى

سيف: يابنتى اكبرى بقى

نورتصعد وتهبط على السرير: انا كده حلوة عايزنى اكبر اكبر انت لوحذك

سيف: بقى كده طب تعالى

نزلت من السريرتجرى وهو خلفها امسكها اخيرا لف يدها خلفها:

هتروحي منى فين يا قطة

نور: طب سيب خلاص ياسيدى اسفة

سيف: ابدا مش قبل ما اخذ حقى

نور: ده بعينك وافلتت منه سريعا دخلت الحمام واغلقتة من الداخل

سكت سيف قليلا ثم صرخ فجاة: نور نور الحقينى

خرجت نور مسرعة وهى تلف منشفة كبيرة على جسدها: سيف فى ايه

اتاه صوت من خلفها: مش قولتلك هأخذ حقى برضه القاهها على السرير

استعنا على الشقى بالله

مر اسبوعين هما ينعمان بحب وسعادة وahan موعد الرجوع الى القاهرة وصلوا الى

المطار استقبلهم فارس فى المطار

فارس: حمد لله على السلامة يا نور

ياكبير ياكبير وحشتنى

احتضنه سيف: حبيبى ياابو الفوارس وانت اكثر والله

رجعوا الى البيت مرة اخرى وسط ترحاب الجميع ماعدا جومانا التى قابلتهم بطريقة
مستفزة تجاهلتها نور حتى لا يحدث صدام بينهم

مر حوالى ثلاث شهور وتقدم حسام لخطوبة سيرين وتمت الخطوبة فى حفل عائلى
ضم الاهل والاقارب وبعد يومان كانت نور مع سيرين فى غرفتها يشاهدان صور
الخطوبة شعرت نور بدوار شديد لاحظتها سيرين

سيرين:مالك يا نور

نور:مش عارفة ياسيرين دوخة بقالها كام يوم بس المرة دى صعبة اوى

سيرين:طب ايه انده لسيف

نور:لالا مش مستهله دلوقتى هبق.....

سقطت مغشيا عليها صرخت سيرين:نور نور فوقى

خرجت سريعا تبحث عن سيف وجدته فى الاسفل مع فارس وعبد العزيز وامينة

صرخت به:سيف الحق نور

انطلق يجرى حتى انه اصطدم بجومانا:ايه فى ايه

تجهلها وصعد لغرفة سيرين راى نور مغشيا عليها

نور نور حببتي فى ايه نور فوقى فى ايه ياسيرين

سيرين:معرفش والله قالتي انها دايخة وفجاة وقعت كده

حملها سيف وخرج بها لغرفتهم صعد الجميع ووجدوسيف يحمل نور الفاقدة
الوعى الى غرفتهم

عبد العزيز:"ايه ياسيف مالها

سيف:مش عارف مش عارف بابا

فارس:انا طلبت الدكتور وجاى على طول نظرت اليه جومانا باستنكرار تجاهلها
تماما

حضر الطبيب واجرى الكشف على نور وخرج الى سيف والجميع

سيف:خير يادكتورنور مالها

الطبيب:ايه ياسيدى مالك فى ايه احمد كده بتدلع عليك شوية

جومانا :بتدلع ايه المسخرة دى

نظر لها الجميع بغضب اكمل الطبيب:يلا ياسيدى اودامك ثمن شهور وهتبقي بابا
ايه رايك فى الدلع

سيف بفرحة: ايه والله العظيم نور حامل

الطبيب: ايوه يا سيدى بقالها تقريبا شهرين مبروك

قبله سيف: الله يبارك فيك يادكتور عن اذنكم

دخل لنور وجلس بجوارها: حبيبتي مبروك نور انا فرحان اوى

نور: وانا كمان فرحان اوى ياسيف

ضمها لحضنه وقبل راسها: عارفة احلى حاجة ايه

نور: ايه

سيف: انه منك انتى يا عمرى

امسكت به كانها تختبئ به

قاطعهم صوت امينة: الله الله عيب يا ولا امشى من هنا

ضمها سيف اكثر: ايه يا حاجة مراتى شرعا وقانونا وام ابنى

امينة: ههههه يا حبيبي ربنا يبارلك فيهم يارب

نور: ربنا يخليكى ياماما ومنحرمش منك ابدا

جلس فارس يفكر فى غرفته قاطعته جومانا: مالك فى ايه

فارس: مش ملاحظة ان احنا بقالنا سنة متجوزين ومفيش حمل

جومانا: اه هي الست نور فكرتك ولا ايه

فارس: حقى عايز اخلف طول المدة دى وانا ساكت قلت هيحصل او هتطلبى اننا

نروح لدكتور وانتى باردة اوى ومطنشة

ارتبكت جومانا: يعنى وانا مش عايزة ماتكشف انت يمكن يكون عندك مشكلة

فارس وقف امامها بتحدى: عايز اقولك انى كشفت واتاكدت انى سليم وممكن

اخلف عادى

ارتبكت وزاد عرق وجهها: يعنى ايه قصدك انى مش بنخلف

فارس: انا مقولتش كده نروح نكشف ونطمن

جومانا: انا كشفت وعرفت انى كويسة

فارس: امتى وازاى تروحي من غيراذنى

جومانا: عادى يعنى مش هتفرق

فارس: بقى كده ماشى خلاص اما نشوف بقى العيب عند مين

مر حوالى ثلاث شهور وبدات تظهر علامات الحمل على نور التى تحظى بحب

واهتمام الجميع وبالذات سيف الذى لا يدارى حبه ابدا وجومانا تشتعل من داخلها

كره وحقد عليها الى ان حادثت صديقتها اللدودة ماهى التى وجدتھا فرصة للانتقام
من سيف ونور

كان يجلسون سويا قامت جومانا فجأة: انا هجيب عصير اجيب لحد

سيرين: اه يا جومانا بليز عايزة عصير قصب ههههه

جومانا: مش للدرجة هتلاقيه فى الشارع روحى دورى عليه

سيرين: ههههه خفة

امينة: جومانا هاتى لينا كلنا بس خلى زينب تجيب لبن لنور

نور: لالا لبن لا

سيف: ههششش لازم تشربى اللبن سامعة

نور: لا ياسيف مش بحبه والله

ربت على بطنها: عشان نور الصغيرة يا حبيبتى

جومانا بنفاذ صبر: من عينا معنديش اغلى من نور

استغربت نور من جومانا وقالت فى سرها: ربنا يهدى

دخلت جومانا المطبخ واعدت العصير ثم اخرجت زينب الخادمة

روحي اعملى حاجة بدل مانتى واقفة كده

خرجت زينب بتعجب من تصرفات جومانا

اخرجت جومانا علبة من جيبتها ووضعت منها داخل كوب اللبن لنور وخرجت به
ووزعت العصير عليهم واللبن لنورالتى مجرد ماشربت منه شعرت بطعمه الغريب

نور:اللبن ده ماله طعمه غريب

ارتبكت جومانا :ماله

نور:مش عارفة طعمه زى مايكون دواء

سيف:نور اشربى بطلى لعب عيال

نور:ابدا والله طعمه غريب

امينة:خلاص يانور اشربى مرة واحدة

شربت نور اللبن وعينا جومانا تراقبها حتى انتهت

انتهى الوقت وصعد الجميع الى غرفهم دقت الساعة الثانية صباحا

صرخات نور دوت فى البيت فزع سيف:نور مالك فى ايه

نور:سيف الحقنى ياسيف هموت

سيف: حبيبتى فى ايه

نور: بطنى بتقطع الحقنى ياسيف هموت

جاءت امينة وسيرين

امينة: فى ايه مالك يانور

نور: هموت ياماما بطنى بتقطع

امينة: سيف بسرعة على المستشفى

حملها سيف ونزل بها الى السيارة ومعهم امينة

فارس: فى ايه سيرين مين بيصرخ

سيرين: نور تعبت اوى وسيف اخدها المستشفى

جومانا: تلاقيها بتدلع

نظر اليها فارس باستنكار: انا هاروح لسيف

جومانا: تروح فين ملناش دعوة

فارس: اسكتى انتى اما نرجع نتحاسب وخدى بالك من علبة البرشام اللى الدولاب
اخدة بالك

دخل سيف بنورتم ادخلها الطوارى وهو ينتظر متوترا وامينة تخفف عنه حتى حضر
فارس حتى خرج الطبيب

سيف: خير ياكطور

الطبيب: خير فين جوزها

سيف: انا

الطبيب: عايزك لوسمحت

شعروا بالقلق من حديث الطبيب

سيف: خير ياكطور نور جرالها حاجة

الطبيب: لا المدام بخير والبيبي بخير الحمد لله بس هى شربت لبن النهاردة

سيف: ايوه قبل ماتنام

الطبيب: يااستاذ سيف يظهر ان حد ادهلها علاج يعمل نزييف جوه اللبن وده اللى
بان من غسيل المعدة والحمد لله انها جت لحد كده لو كنت خدت جرعة زيادة
كان البيبي بعد الشر جواله حاجة

سيف مذهولا: انت بتقول ايه ازاي

الطبيب: زى مابقولك شوف مين له مصلحة ان ابنك ومراتك يجرالهم حاجة

عادوا الى البيت فى صباح اليوم التالى

جومانا: حمد لله على السلامة ايه الببى جواله حاجة ولا بتدلعى علينا

اقترب منها فارس وصفعها على وجهها وسط ذهولها

انت اتجننت ازاي تعمل كده

اراد ان يضربها مرة اخرى اوقفه سيف

فارس كفاية متسهالش

وانتى حاولتى تقتلى مراتى وابنى ليه عملنا لك ايه انتى ايه حيوانة

جومانا: ايوه ايوه كنت هقتلهم وهموتها برضه واسرعت الى نور تجذبها من حجابها

صرخت نور بشدة امسكها سيف والقاها ارضا

امسكها فارس من يدها: جومانا انتى طالق طالق بره بره

خرجت جومانا من البيت وللابد بدات الحياة تعود لطبيعتها مرة اخرى وبشكل

افضل

فى يوم من الايام دق جرس الباب يعلن عن وصول زائر جديد

زينب: افندم مين حضرتك

الزائرة: انا نهال عايزة مدام نور

فارس: مين يازينب

نظر فوجدها شابة جميلة بعيون خضراء وبشرة بيضاء صافية وحجاب محترم

فارس: مين حضرتك تحت امرك

نهال: انا نهال بنت عم نور ولسه راجعة من الكويت وجاية اشوفها واطمن عليها هي موجودة

فارس: اه اه طبعاً اتفضل

قابلتها نور باشتياق شديد: نهال حبيبتى وحشتينى اوى حمد لله على السلامة

نهال: الله يسلمك يانونو وحشتينى اوى

نور: وانتى كمان كده ياوحشة متحضريش فرحى

نهال: ماخلاص بقى هنبقى ماما اهو قوليلى بقالك اد ايه

نور: سبع شهور لما خلاص جبت اخرى

نهال: حبيبتى ربنا يقومك بالسلامة

جاء سيف بصحبة فارس الذى وقف يشاهد نهال باعجاب لاحظه الجميع

بعد فترة اقتربوا كثيرا وتقدم فارس لنهال للزواج بها بعد فرح سيرين وحسام
وانجبت نور ياسين الذى كان يشبه سيف كثيرا وتزوج نادر وفريدة وهو مازال
لايعلم شئ مما حدث وخالد تزوج ملك وسافرا الى الاراضى المقدسة للاداء العمرة
كمباركة لزواجهم

تمت بحمد الله

موقع البوكر

www.elbookar.com

زورونا للمزيد من الروايات الرومانسية